

筆記小說大觀

★ (集)

玉芝堂談薈

明徐應秋輯

第十冊

進步書局校印

卷之四

一、  
二、  
三、  
四、  
五、  
六、  
七、  
八、  
九、  
十、

十一、  
十二、

玉芝堂談會卷二十一

姑蔑徐應秋君義父輯

歲陽歲名

歲陽歲名之說始於爾雅太歲在甲曰闕逢在乙曰旃蒙在丙曰柔兆在丁曰疆圉在戊曰著雍在己曰屠維在庚曰上章在辛曰重光在壬曰玄黓在癸曰昭陽謂之歲陽在寅曰攝提格在卯曰單闕在辰曰執徐在巳曰大荒落在午曰敦牂在未曰協洽在申曰涒灘在酉曰作噩在戌曰閭茂在亥曰大淵獻在子曰困敦在丑曰赤奮若謂之歲名在後惟太史公歷書用之而或有不同如闕逢為馬逢旃蒙為端蒙柔兆為游兆疆圉為疆梧著雍為徒雍屠維為祝犁上章為商橫重光為昭陽玄黓為橫艾昭陽為尚章大荒落在大芒落協洽為汁洽涒灘為汭漢作噩為作鄂閭茂為淹茂大淵獻因敦更互亦奮若乃為亦奮若爾雅又有月陽月名月在甲曰畢在乙曰橘在丙曰修在丁曰圉在戊曰厲在己曰則在庚曰室在辛曰塞在壬曰終在癸曰極正月為陬二月為如三月為病四月為余五月為皐六月為且七月為相八月為壯九月為玄十月為陽十一月為辜十二月為涂考之典籍惟曆書謂太初十月

為畢聚離騷云攝提正於孟陬它未嘗稱引許慎曰太歲甲曰闕逢言萬物鋒芒欲  
出壅遏未通也在乙曰旃蒙言萬物遏蒙甲也在丙曰柔兆言萬物皆生枝布葉也  
在丁曰強圉言萬物剛盛也在戊曰著雍言位在中央萬物孳養四方也在巳曰屠  
維言萬物各成其性也屠別也維離也在庚曰上章言陰氣上升萬物畢生也在辛  
曰重光言萬物成熟其皇之也在壬曰玄黓言歲終包任萬物也在癸曰昭陽言陽  
氣始萌萬物合生也歲在子曰敦敦言陽氣混沌萬物萌蘖也赤奮若陽氣奮迅萬  
物而起無不順若其性也攝提格言萬物承陽而起也單闕言陽氣推萬物而起陰  
氣單盡闕止也執徐言伏質之物皆散舒而出也敦牂言萬物敦盛牂壯也協洽言  
陰陽化生萬物協和洽合也涿灘言萬物皆涿大灘修其聲氣也作噩言萬物皆墜  
落也閭茂言萬物掩蔽茂冒也太淵獻言萬物終太淵深藏宥以迎陽氣也資治通  
鑑專歲取陽歲名以冠年韓退之詩歲在淵獻牽牛中王介甫字說言疆圉自餘亦無  
說左傳所書歲在星紀而淫於玄枵歲在降婁降婁中而旦歲在甌訾之次歲五及  
鶉火歲在顓帝之虛歲在豕韋歲在大梁皆用歲星次舍言之司馬倬跋溫公潛虛  
其末云乾道二年歲在柔兆閭茂玄黓執徐月極大淵獻日謂丙戌年壬辰月癸亥

日。以歲名施於月日。尤為不然。

虞喜天文論。漢太初曆。十一月甲子夜半冬至。云歲雄在于闕。逢雌在攝提格。月雄在畢。雌在紫。日雄在子。又云。甲歲雄也。巽月雄也。馭月雌也。大抵以十干為歲陽。故謂之雄。十二支為歲陰。故謂之雌。但畢紫為月雄。雌不可曉。

### 歲華節次

偶讀歲華記麗。採緝旁及事詞。而苦不甚博。暇日因集雜書中。有關歲事節候。輒彙筆之。惟歷朝典故。及民間風俗。則書詞賦詩詠。不及悉也。立春日下。寬大之書。見漢書。祀青帝於東郊。見開元禮。賜郎官御史春幡。百官彩勝。見文昌雜錄。剪彩為燕。帖宜春字為拖鈞之戲。見荆楚歲時記。以蘆葍芹芽為菜盤。相餽。既作五辛盤。進醬粥。見齊民月令。以黃柑釀酒。號洞庭春色。見撫言。北朝婦人以是日進春書。以青繒為幟。刻龍象喻之。或為蝦蟆。見酉陽雜俎。立春貯水。謂之神水。釀酒不壞。見四時纂要。煮桃皮白芷青木香三物沐浴。見雲笈七籤。元日帖畫鷄戶上。懸葦索於其上。插符於旁。以細繩繫偶人。投糞掃中。云令如願。見歲時記。咸通後士風。正旦珮紫赤囊。中盛人參木香。如豆樣。時時傾出嚼吞之。至日出乃止。號迎年珮。大宴百戲。蓮花盆隊舞。勝

鼓采蓮隊舞。見樂律志。設白獸樽於殿上。又設百華燈。見晉書。石虎於殿前設金枝銅燈百二十枝。名金枝華秀。見鄴中記。岳陽風土記。自元日獻歲。鄰里相慶。至十二日始罷。謂其日為雲開節。賜百僚綠醪酒。人二升。見咸康起居注。賜群臣却鬼丸。俗好於門上畫虎頭。書灑字。謂鬼名。可息癩癧。見酉陽雜俎。五薰鍊形以辟厲氣。見風土記。服梅花酒却老。見崔實月令。吞鷄子赤豆各七枚。辟瘟氣。見葛洪鍊化篇。進椒柏酒。見齊民月令。服桃湯。見歲時記。取五木作湯以浴。見雜修養書。食膠牙錫。見歲時記。取鵲巢燒灰著於廁。以避兵。撒門裏。以避盜賊。見墨子祕要。折松枝。男七女二。以為藥飲之。見董勳答問。作桃板著戶。謂之仙木。見玉燭寶典。飲屠蘇酒。從少起。見四民月令。庭中爆竹貼畫鷄。或鏤五色土於戶上。見通卦驗。殺羊懸頭門上。又磔鷄以禳之。見裴玄新語。人日家家拒門打戶。捩狗耳。滅燈燭。禳兔車鳥。以七種菜為羹。剪綵為人。或鏤金薄屏風上。見歲時記。人日剪餅於庭中。謂之薰天。見述征記。以油灑水上。卜一歲之豐歉。見酉陽雜俎。蜀中鄉市。士女以是日擊小鼓唱竹枝歌。作鷄子卜。上元作膏粥以祀門戶。以楊柳枝插門。隨楊柳枝所向。以酒豚頭粥。插箸而祭之。見玉燭寶典。洛陽人家。上元以影燈多者為上。向其相勝之詞。曰千影萬影各造。

芋郎君食之。見歲時記。御燈樓。貴戚例有黃柑相遺。謂之傳柑節。見明皇雜錄。造麩  
蠶以官位帖字。卜官位高下。見天寶遺事。作白粥膏祀蠶娘。見續齊諧記。造火蛾相  
鬪為戲。見洛陽記。做漢家祀太乙。以昏祀。到明夜游觀燈十四日。以米穀爆釜中。名曰  
字羅。人各占一歲休咎。又名卜留。見輦下歲時記。十六日。北方士女用舊曆日紙九  
道為繩。亂結首尾。聯屬。謂之結羊腸。正月二十日。以紅絲縷繫煎餅置屋上。謂之補  
天穿。見拾遺記。池陽以廿三日。江東以廿四日。又池陽正月廿九。謂之窮九。掃屋室  
塵穢。投水中。謂之送窮。見天中記。正月晦日。衣敝食糜。是日祀於巷。曰送窮鬼。見四  
時寶鑑。迎紫姑。以卜。見異苑。晦日。士女澗裳。酌酒於水湄。以為度厄。見玉燭寶典。二  
月朔。以是日為中和節。以青囊盛百穀。瓜菓種相遺。號為獻生子。釀宜春酒。進農書。  
見新唐書。二月二日。曲江拾菜。見秦中記。進鏤牙尺及木畫紫檀尺。賜紅尺銀寸尺。  
見六典註。二月二日為踏青節。見壺中贊錄。以二月八日為芳春節。見道經。十五日  
為花朝。東京十五日為撲蝶會。至清明節。城市尤多。闕鷄卵之戲。見玉燭寶典。諸陵  
普餉粥鷄毬。見歲時記。賜侍臣帖彩毬。草堂臺。見酉陽雜俎。採楊桐葉染飯。青而  
有光。謂之楊桐飯。或謂之青飢飯。見瑣碎錄。折柳插門。見歲華記。麗上巳曲水泛觴。

盥洗見續齊諧記三月三日上踏青鞋見饋餉儀以薺花點油祀而灑之水中成龍  
鳳花卉之狀則吉謂之油花卜見圖經四月八日以五彩香水浴佛作龍華會見歲  
時記五月五日蓄蘭沐浴謂之浴蘭節見歲時記採艾懸於戶上朱索五色印為門  
戶以五色綵絲繫臂辟兵及鬼令人不病一名長命縷一名續命縷一名辟兵縷一  
名五色縷見風俗通有雜物條達織組以相遺見玉燭寶典作赤靈符著心前見抱  
朴子為鳥羹賜百官見樂書記以菖蒲或縷或屑泛酒見歲時記為競渡作粽並帶  
五色絲及楝葉皆汨羅之遺風見續齊諧記進五時圖五時花施帳上見酉陽雜俎  
作水團又名白團角黍貯金盤中以小角弓子架箭射中者得食見天寶遺事伏日  
進餅名為辟惡見歲時記七月七日結綵樓穿七孔針陳瓜果於庭中以乞巧見歲  
時記七月七日為良日見風土記以五色繡相羈縮名牽連愛見西京雜記以臘作  
嬰兒浮水中以為戲為掃人生子之祥謂之化生見歲時記事七月十五以百味五  
果著盆中供養十方大德為盂蘭盆見孟蘭盆經八月十五為月夕見提要錄八月  
一日作五明囊盛百草露以洗眼見鷄跖集又是日為六神日以露水調硃砂點小  
兒額為天灸去百病見歲時記九月九日佩茱萸食蓬餌飲菊華酒見西京雜記冬



至作赤豆粥見歲時記臘日上藻豆袋及頭膏面膏口脂見盧公家範賜銀合子駐顏膏牙等綉香囊見韓偓集十二月八日都城諸大寺作浴佛會以乳酪胡桃百合等造七寶粥亦謂之醃粥供佛及僧道檀越見歲時雜記晚歲相餽問謂之餽歲酒食相邀為別歲達旦不眠為守歲見風土記又汴中節食元日元陽暨上元油畫明珠人日六上菜二月十五涅槃梵上巳手裡行厨寒食冬凌四月八指天餞餠重五如意圖伏日綠荷包子二社辣鷄醬七夕羅睺羅飯中秋玩月羹中元孟蘭餠餠重九米錦長至宜盤臘日萱草燹臘法王科斗又馬癖記王武子正旦則柳葉金障泥上元則滿月羈清明則剪水鞞重午則籠嬌鞞中秋則玉攏總重陽蟬兒鞞春秋社塗金鞞冬至嘶風鞞除日藥玉鞭每節日則餵馬以明沙荳薔薇草又金門歲節洛陽人家正旦造絲鷄蠟燕粉荔支正月十五造火蛾兒食玉梁糕寒食裝萬花輿煮楊花粥端午朮羹艾酒七夕以花綺樓閣插鬢乞巧使蜘蛛結萬字造明星酒裝同心膾重九迎涼脯羊肝餅珮癭木符冬至煎錫綠珠戴一陽中除夜銅刀刻門埋小兒硯點水盆燈臘日造腦花餠

飲屠蘇酒

劉夢得白樂天元日舉杯賦詩。劉云與君同甲子。歲酒讓先杯。白云與君同甲子。歲酒合誰先。白又有歲酒先拈辭不得。被君推作少年人。顧況詩。還丹寂寞蓋明鏡。手把屠蘇讓少年。裴夷有自知年紀應偏少。先把屠蘇不讓春。成文幹云。好是燈前偷失笑。屠蘇應不得先嘗。方干云。纔酌屠蘇定年齒。坐中皆笑鬢毛斑。東坡亦云。但把窮愁博長健。不辭最後飲屠蘇。後漢書。元日飲屠蘇酒。從小者起。時鏡新書。晉又問董勳者曰。俗以小者得歲。故賞之。老者失歲。故罰之。唐之稱婪尾。則以老者後得酒。當有餘以優老。見莊李裕鷄肋。若崔實月令。過臘一日謂之小歲。拜賀君親。椒酒從小者起。則又不在元日矣。婪尾又云。唼尾。一云出侯白。酒令。巡匝末坐者。連飲三杯。末坐遠。酒行到遲。故連飲以慰取貪婪之義。一云唼為燥如鐵。出火貴其出色。此尤無謂。

### 社日雨

社公社母不食舊水。故社日必有雨。謂之社公雨。社日雨則穀重而葉稀。故曰社雨。報年豐。陸龜蒙詩。幾點社翁雨。一番花信風。是也。又二月十五日花朝。晴則百菓實。夜不宜晴。宜陰雨。主潤澤。十五為勸農日。晴明主豐。風雨主歉。成都四月十九日。謂之浣花遊頭宴。於杜子美草堂滄浪亭。傾城皆出錦綉。夾道蜀人言。雖戴白之老。未

嘗見浣花日雨也。歲華記麗，成都俗好娛樂。太守歲時宴集四方奇技幻怪百變，序進於前。士女輕裝，袷服闌道嬉遊，以坐具列於廣庭，謂之遊牀。謂太守為遨頭。又池州以五月二十九日三十日為分龍節，雨則多大水，閩人以夏至為分龍，雨各有方。成都九月九日為藥市，人盡入市吸藥氣。是日雨則仙人在其中，後山叢談。中秋陰晴天下如一，中秋無月則免不孕蚌不胎，喬麥不實。又重九日晴則冬至上元元日清明四日俱晴，雨則俱雨。

### 上元張燈

元宵張燈始於漢，禮太乙。至唐而盛，小說載正月十五玄宗於常春殿張臨光宴，白鷺轉花黃龍吐水，金鳧銀燕浮光洞，攢星閣皆張燈。火奏月光分曲，撒闌江錦荔枝千萬顆，令宮人爭拾，多者賞以紅圍帳，綠暈衫。睿宗先天二年正月十五十六夜於京師安福門外作燈輪高三十丈，衣以錦綉，飾以珠玉，然五萬盞燈，簇簇如花。樹宮女千數，衣羅綺，耀珠翠，妙簡長安萬年少女千餘，於燈輪下踏歌三日。開元初正月望夜，玄宗移仗上陽宮觀燈，結構彩樓三十餘間，金翠珠玉間廁其間。以燈為龍，螭虎豹騰擲之狀，繁華猶可想見。又上元張燈三夜，其十七十八夜據宋野史。

俱以錢王入賀疏買兩夜。初用二十三日，至崇寧初，以兩日皆國忌，遂展至十七、十八夜。按貽謀錄載：乾德五年正月甲辰，詔書上元張燈，舊止三夜。朝廷無事，區宇乂安，方當年穀之豐登，宜縱士民之行樂。其令開封府更放十七、十八兩夜燈，則非關錢王也。讀菊坡叢話：明皇移仗上陽宮為燈樓，士民縱樂，初止三五夜，又增十七、十八兩夜，又開元傳信錄：上御勤政樓大酺，縱士庶觀看百戲，競作中五夜酺宴。似又自唐已然，不始於宋乾德矣。又宋太宗太平興國五年十月，下元京城始張燈，如上一元之夕，至淳化元年六月丙午，詔罷中下元張燈，然則張燈亦不止上元。春明退朝錄：上元然燈，唐以前不常設。太宗時三元不禁，夜上元御乾元殿，中元下元御東華門。王林云：寶慶中，林在山陽，中元下元酒務張燈賣酒，北方遺俗猶有存者。

### 寒食斷火

桓譚新論曰：太原民為介子推，故隆冬不火食。陸翹鄰中記云：並州俗冬至一百五日，為子推斷火冷食三日。作乾粥，范曄後漢書周舉遷并州刺史，太原一郡舊俗以介子推焚骸，有龍忌之禁，每至冬中一月寒食，老小不堪，乃作帛書置子推廟，言盛冬去火，殘傷民命，使還溫食。琴操云：介子綏焚死，文公哀之，令民五月五日不得發。

火魏武帝以太原上黨西河雁門皆近寒之地不得寒食十六國春秋石勒下令寒食不許禁火後有冰雹之異徐光曰介推帝鄉之神也歷代所尊令未宜替令尚書定議以聞韋諛曰子推賢人令鄉介之間奉之於天下則不通矣勒從之令并州復寒食如初按寒食當以一百五日為正所謂隆冬及五日必記聞之誤也朝野僉載并州石艾壽陽二界有妬女泉神廟在焉俗傳介子推妹也與兄競去泉百里寒食不許斷火通志火州以三月九日為寒食俗戲樂以壓陽氣

一百五日

今人謂寒食為一百五日者以其自冬至之後至清明歷節氣六凡為一百七日而先兩日為寒食故云他節皆不然也荆楚記去冬至一百五日即有疾風甚雨謂之寒食節又謂之百五節齊人呼為人烟又謂禁烟節夢華錄京師以冬至後一百五日為大寒食杜老有鄜州一百五日夜對月一篇江西宗派詩云一百五日足風雨三十六峯勞夢魂一百五日寒食雨二十四番花信風之類是也或者乃謂自冬至至清明凡七氣至寒食止百三日不知曆家以餘分演之也司馬彪續漢書介子推焚林而死故寒食不忍舉火至今禁煙三日然韓翃寒食即事詩有日暮漢宮傳蠟燭

輕煙散入五侯家。不待清明而已。傳新火何耶。吾州城北芝山寺為禁煙遊賞之地。寺僧欲建華嚴閣。請予作勸緣疏。其末一聯云。大善知識五十三。永壯人天之仰。寒食清明一百六。鼎來道俗之觀。或問一百六所出。應之曰。元微之連昌宮詞。初過寒食一百六。店舍無煙。宮樹綠。是以用之。已上見容齋隨筆。又歐陽公牡丹譜。有一百五者。兩葉白花。洛陽以穀雨為開候。而此花常至一百五日。開最先。又歲時記。冬至後一百三日為炊熟節。以將禁火。先具饗餐也。宋敏求春明退朝錄。周禮四時變國火。而唐時惟清明取榆柳火。以賜近臣。本朝因之。觀此則唐改火亦止清明。自夏以後。已不復行。非盡廢於元時也。鷄羽入灰。亦不起於唐。商鞅棄灰之禁。自秦已然矣。

### 春日競渡

沈約宋志。謂舊記郭虞有三女。於三月三日俱亡。故俗忌此日。皆於東流水上祈禳。被潔摯虞引續齊諧則曰。徐肇有二女云。非郭虞也。韓詩鄭國之俗。三月上巳於溱洧之上。被除不祥。束皙引周公卜邑於洛。其禮已行。故逸詩曰。羽觴隨波。則知上巳被除。其來舊矣。又觀漢書。八月被於灞上。故劉楨賦。素秋二七。天漢指隅。人胥被除。國人水嬉。是又用七月十四日。因知漢人被除。有在秋間者。不必春暮。又自漢以

前上巳不必三月三日。必取巳日。自魏以後。但用三月三日。不必巳也。歲時記五月五日為競渡。傷屈原是日投汨羅。並命舟楫拯之。然蕭結五代時為初陽令。方春暮時。有州符下取競渡船。刺史將臨觀。結怒批其符。袂開五葉。蠶長三眠。人皆忙迫。誰任渡船守。乃罷競。是春月亦競渡也。七月七夕。婦人綵縷穿七孔針。陳瓜果。以乞巧。有喜子網於瓜上。則以為得巧。按續博物志。山東風俗。正月取五姓女。年十餘歲。共卧一榻。覆之以衾。以箕扇之。良久如夢寐。或欲刺綉。文事筆硯。理管絃。俄頃乃寤。謂之扇天卜。以乞巧。是正月亦乞巧也。今人九月登高。晉李充有正月七日登剡山寺詩。桓溫參軍張望亦有七日登高詩。唐中宗景龍三年正月七日御清暉閣登高。遇雪。賜金彩人勝。石虎鄴中記正月十五亦有登高之戲。隋書文帝正月十五與近臣登高。時元胄不在。上馳召之。曰公與外人登高未。若就朕。是人日上元亦登高也。

### 晝刻長短

今曆家晝長至五十九刻。短至四十一刻。按堯典日永日短。蔡氏傳日永晝六十刻。夜四十刻。日短晝四十刻。夜六十刻。授時曆夏至晝六十二刻。夜二十八刻。冬至晝三十八刻。夜六十二刻。我明正統巳巳曆。晝刻三十九。夜刻六十一。以為陰過。故有

土木之變。按馬融云。晝有五十刻。夜有五十刻。據日出日入為限。蔡邕以星見為夜。日入後三刻。日出前三刻。皆屬晝。晝有五十六刻。夜有四十四刻。或云蔡氏據地中而言。故晝夜刻數長極於六十。短至於四十。授時曆據今燕都而言。故長及於六十。二。短極於三十八。其不同以此。北狄骨利幹部所居之北。渡海晝長夜短。日入烹羊脾。才熟。東方已明。蓋近日出沒之所。又元史土土哈傳。欽察國。去中國三萬餘里。夏夜極短。日暫沒即出。是又幾於不夜矣。此自以地偏之故。不係於陰陽之消長也。

### 六時五臘

春夏秋冬。堯典之四時也。曲臺禮及唐六典。有五時之文。則以木火土金水。分七十二日。土無定位。寄四時之末。十八日。而中位在夏末秋初。周禮改火。季夏取桑柘之木。是五時也。西域歲分三時。以寅卯辰巳為雨時。午未申酉為熱時。戌亥子丑為寒時。金光明經初二。是花時。三四名熱際。五六名雨際。七八謂秋時。九十是寒時。後二名冰雪。此六時也。唐張喬詩。遠公宣下蓮花漏。猶向山中禮六時。劉長卿詩。六時行徑空。秋草僧規以六時。經行六時。晏坐幽谷時。寅也。高山時。卯也。平地時。辰也。中時。巳也。正中時。午也。鹿苑時。未也。至申則旦。而退。又釋迦如來說法。四十九年。適時。



而進。天言智者判釋。凡為五時。一最初成道於三七日。說華嚴經。譬日出光。炤高山。第一時。二於鹿苑十二年。中說四阿舍。小乘經。譬日炤幽谷。第二時。三於諾處八年。中說諸大乘經。譬食時。第三時。四於舍衛國。諸處二十二年。中說諸部般若。譬禺中。第四時。五於耆闍崛穴山。並婆羅樹宿八年。中說法華涅槃經。譬日轉當午。第五時。又道家有五臘。正月一日為天臘。五月五日為地臘。七月七日為道德臘。十月一日為民歲臘。十二月臘。日為王侯臘。左傳。日有十時。日中畜五。食時為公。平旦為鄉。鷄鳴為士。夜半為皂。人定為遭。大黃昏為隸。日入為僚。脯食為僕。日昃為臺。隅中日出闕。

### 五夜漏點

漢舊儀。中黃門侍五夜。謂甲乙丙丁戊也。唐太宗所謂甲夜理事。乙夜觀書者。本此。唐韋詢問劉禹錫。五夜甲乙丙丁戊相更。而有子夜。按子夜。女子名。善歌者。故李義山鶯能歌子夜。又心酸子夜歌。韋詢以子夜為五更之數。非也。李長吉羅幃午夜愁。則直以夜半言。如日之午耳。至更點之制。無所見。韓愈詩。鷄三號更五點。李商隱詩。金殿銷香閉綺籠。玉壺傳點咽銅龍。李鄴詩。江風微曙不成睡。二十五聲秋點長。至宋世國祚長短識。有寒在五更頭之忌。宮掖州縣。皆去五更後二點。又並初更去其

二以配之。止二十一點。非古也。又舊傳宮漏有六更鼓。不知起何代。歸田錄載詩敘亡宋事。有點亂傳籌鼓六更。豹隱記談楊誠齋有天上歸來已六更。後見蟬精集云。宋內五更絕梆鼓。遍作謂之蝦蟆更。其時禁開而百官入。所謂六更也。宋祖以建隆庚申即位。後聞陳希夷有寒在五更頭之言。命宮中轉六更。方嚴鼓鳴鐘。不悟更者庚也。理宗景定元年。歷五庚申。越七十年而宋亡。至元延祐七年。而至正帝生。帝乃趙昱子。後以明兵至。遁入沙漠。轉六更。數亦不爽。楊用修曰。今之更典擊鈺。唐六典皆擊鐘也。太史門有典鐘二百八十人。掌鐘漏。唐詩促漏遙鐘動靜聞。

歲時雜占

歲時晴雨之占。見於雜書。可攷者。周益公日記。正月內有三子。葉少蠶多無三子。葉多蠶少。有三卯。早豆收無三卯。則少收。有三亥。主大水。又上旬日占歲事。括曰。甲子。豐年。丙子。旱。戊子。蝗蟲。庚子。叛。惟有壬子。水滔滔。只在正月上旬看。又三月無三卯。田家米不飽。又田家歲時占。八月云。三卯三庚。麥出低坑。三庚三卯。麥出均。巧言只高田可收也。又元日乙卯。荆楚米貴。丁卯。周秦米貴。己卯。燕趙米貴。辛卯。韓魏米貴。癸卯。宋魯米貴。又元日得甲寅。穀畜貴。丙寅。油鹽貴。戊寅。壬寅。穀先貴後賤。庚寅。穀

畜貴。甲申。五穀收。丙申。穀損。蟲食菜。戊申。澇。又分了社。穀米遍天下。社了分。穀米如錦墩。又夏至。端午前。抄手種田年。又三甲朔。三伏熱。三乙朔。小麥大豆熟。三丙朔。麻熟。三辛朔。田少收。三壬朔。旱。三癸朔。澇。又四時占。雨下忌日。春丁卯。夏辛卯。秋乙卯。冬癸卯。又立春在殘年占。兩春夾一冬。無被煖烘烘。又清明日。諺。簷頭插柳青。農人休望晴。簷頭插柳焦。農人好作嬌。又土已聽蛙聲占。田鷄叫得啞。低田好稻。把田鷄叫得响。田內好牽漿。又三月初三日。聽蛙聲。上晝叫。上鄉熟。下晝叫。下鄉熟。終日叫。上下齊熟。唐人詩。田家無五行。水旱卜蛙聲是也。三月初三晴雨占。雨打石頭斑。桑葉錢價難。雨在石上流。桑葉好喂牛。又四月初八晴料峭。高田好張釣。四月初八晴。寡。鮎魚倒竈下。四月初八烏渡禿。不論上下一齊熟。二麥不怕神共鬼。只怕四月八日雨。又四月十四晴占。有利無利。且看四月十四。有穀無穀。且看四月十六。又四月占。日煖夜寒。東海也乾。又五月諺。初一雨落井泉浮。初二雨落井泉枯。初三雨落連太湖。又時裏西南。老龍奔潭。又朝西暮東風。正是旱天公。又立梅日早雨。是謂之迎梅雨。諺云。雨打梅頭無水飲。牛雨打梅額。河底開圻。又云。迎梅一寸。送梅一尺。又云。梅裏雷低。田拆舍回。梅裏一聲雷。村中三日雨。又冬青花占。黃梅雨未過。冬青花未

破冬青花已開。黃梅雨不來。又曰。夏至未過。水袋未破。時裏一日西南風。准過黃梅三日雨。又六月初三晴。山篠盡枯零。六月初三一陣雨。夜夜風潮到處暑。又六月無蠅。新舊相登。又夏末秋初一劑雨。賽過唐朝一團珠。又秋分在社前。斗米換斗錢。秋分在社後。斗米換斗豆。又曰。社了分。穀米不出村。分了社。穀米如苔鮮。又九日雨。米成脯。重陽濕漉漉。穰草千錢束。又三月初三晴。桑上掛銀瓶。三月初三雨。桑葉無人取。又六月不熟。五穀不結。六月蓋夾被。田裏無張屁。又十月初一陰。柴炭貴如金。九月十三晴。釘靴掛斷繩。又除夜犬不吠。新年無疫癘。又夏至有雷三伏冷。重陽無雨。一冬晴。又賣絮婆子看冬朝。無風無雨哭號咷。又朝立秋涼颼颼。暮立秋熱到頭。又久晴逢戍雨。久雨望庚晴。又冬至前米價長。貧兒受長養。冬至後米價落。貧兒轉蕭索。又有穀無穀。且看四月十六。又月上早。低田收稻好。月上遲。高田剩稻稀。又朝霞暮霞無水煎茶。又木再花。夏有雹。李再花。秋大霜。又布穀鳴。小蒜成。秋霜熟。萱臺足。蜻蜓鳴。衣裘成。蟋蟀鳴。懶婦驚。又杏子開花。可耕白沙。高陸子熟。杜鵑不哭。又蜻蜓高。穀子焦。蜻蜓低。一霸泥。又喫井禽。諺云。夏至前喫井。有車吃。無車嘯。言旱也。又海燕忽成羣而來。主風雨。諺云。烏肚雨。白肚風。鷓鴣叫。諺云。朝鷓鴣晴。暮鷓鴣雨。黃梅寒井。

底乾。鴉浴風。鵲浴雨。又山擡風雨來。海嘯風雨多。又魚兒秤水面。水來汧高岸。又上火不落。下火滴洒。洒音奪又白露前是雨。白露後是鬼。臘雪是被。春雪是鬼。又東蠶晴。西蠶雨。又麥秀風。搖稻秀雨。澆又魚鱗天。不雨也。風顛又一月見三白。田翁笑嚇嚇。又未雨先雷。船去步歸。又清明斷雪。穀雨斷霜。又芒後逢壬立梅。至後逢壬梅斷。又月暈主風。日暈主雨。又雨打五更。日曬水坑。又南閃十年。北閃眼前。又天河東西漿。洗寒衣。日生耳主晴。諺曰。南耳晴。北耳雨。日生雙耳。斷風截雨。又日落雲裏走。雨在半夜後。又月如彎弓。少雨多風。月如偃瓦。不求自下。又月偃偃。水漾漾。月子側。水無滴。又日煖風和。明朝雨多。日出三竿。不急便寬。新月落北。主未貴。諺云。月照後壁。人食狗食。雨後天陰。但見一兩個星。主晴。諺云。一個星。保夜晴。

### 氣盈朔虛

氣有盈虛。何謂也。曰。天地上下。相去八萬四千里。冬至之日。一陽自地而生。一日升四百六十六里。二百四十步。五日為一候。升二千三百三十三里。一百二十步。三候為一氣。升七千里。三氣為一節。其卦為泰。則立春之日也。升二萬一千里。二節為一時。陽氣上升。共四萬二千。正天地之中。春分之節也。其卦為大壯。陰中陽半。其氣

變寒為溫。萬物發生之時也。自是陽氣復升。又九十日為夏至之節。陽氣共升八萬四千里而極於天。是為純陽。於卦為乾。氣變溫為熱。萬物茂盛。陽氣盈滿天地之間。故曰盈。陽極則陰生。夏至之日。一陰自天而降。十五日降七千里。三氣為一節。凡四十五日。為立秋節。下降凡二萬一千里。其卦為否。二節為一時。陰氣下降。共四萬二千里。正及天地之中。為秋分之節。其卦為觀。陽中陰半。其氣變熱為涼。萬物結實之時也。自是陰氣復降。凡九十日。為冬至節。陰氣共降八萬四千里。而至於地。是為純陰。於卦為坤。氣變涼為寒。萬物收藏之時也。故曰虛。天地盈虛。因月而見。初三月出庚。為一氣之候。初八。兌丁上弦。陰中陽半。十五日。乾甲周滿。純陽無陰。故為盈。十六日。巽辛。一陰生。二十三日。艮丙下弦。陽中陰半。三十日。坤乙消盡。純陰無陽。故曰虛也。吳草廬云。日之行三十里。五時有奇。而歷一辰。則為一月之氣。月之行二十九日。六時有奇。而與日會。則為一月之朔。每月氣盈五時有奇。朔虛六時不滿。積十二氣盈。凡五十三時不滿。十二朔虛。凡五百七時有奇。一歲氣盈朔虛共十日十一時有奇。將及三歲。則積之三十日。而置一閏。氣盈朔虛之積。是為閏餘。見震澤長語。

歲差度數

歲差之說。天有三百六十五度四分度之一。歲有三百六十五日四分十之一。天常舒。日常縮。天漸差而西。日漸差而東。至東晉虞喜始立差法。約以五十年而退一度。何承天以為太過。乃倍其年。而不及。至隋劉焯乃取二家中數為七十五年。蓋為近之。其諸家說有以四十五年差一度者。宋大□曆也。有以百八十六年差一度者。梁虞翻曆也。有以百八十三年差一度者。梁祖冲之大同曆也。有以八十四年差一度者。僧一行之大衍曆也。有以八十五年差一度者。宋之紀元曆也。崇天曆。慶曆甲申冬至日在斗五度。推而上之。去唐開元甲子。凡三百二十一年。日在赤道斗十度。差五度矣。又自開元甲子。推之漢太初丁丑。八百二十七年。日在斗二十度。差十度矣。又自太初丁丑。去秦莊襄王元年。一百四十五年。日在斗二十二度。差二度矣。又自莊襄王元年至堯甲子。二千二十八年。冬至日在虛一度。日沒而日卯中。故云日短星昴則差二十六度矣。

章部紀元

攝提遷次黃龍移辰。謂之歲歲首至也。月首朔也。至朔同日。謂之章。同在日首。謂之部。部終六旬。謂之紀。歲朔又沒。謂之元。蓋日行三百六十五日。有二十五刻。而周天月。

行二十九日。有五十三刻。強而與日會。凡三百五十四日。有三十七刻。而十二會。十二晦朔終矣。每歲餘十日。有八十八刻。通十九歲計之。共餘二百六日。有七十二刻。凡置七閏。受二百六十日。有七十一刻。乃無餘分。故楊雄太玄十九歲為一章。一章者閏分盡也。蓋月行二百五十四周。日行十九周。而復會四章為葦。蔡邕月令章句七十六年為葦首是也。二十葦曰紀。紀法一千五百年。三紀為元。韓子曰。四千五百六十為元是也。太史公以千五百年為紀。東漢志以二十葦為紀。計一千五百年。西漢志又以一千五百三十九年為統。統即紀也。太史公以小變中變大變之綱言之。東漢志以章部實數為推。而班志除閏月。亦以年紀之。故有盈縮耳。每歲十有一月。日月會於星紀之次。而元枵。而訾。陬。月移一次。會而為晦。晦而復蘇。明於首士焉。是之謂合朔。月行速。漸遠於日。近一遠三。謂之弦。其近日也。九十一度有奇。遠日三百七十四度有奇。為上弦。其行過中。遠於日也。二百七十四度有奇。為下弦。其行甚遠。而與日對。去日百八十二度六十二分。是為相與為衡。分天之中。為望。蓋謂日月相望也。月近日光盡。體伏。謂之晦。古曆法以章部紀元為宗。十九歲為章。至朔同日四章為葦。至朔同在甲子日。二十葦為紀。至朔同在甲子時。三紀為元。至朔



年月日時俱在甲子謂之曆元

上古以來。逐朝曆名。黃帝起元用辛卯曆。顓帝用乙卯曆。虞用戊午曆。夏用丙寅曆。成湯用甲寅曆。周用丁巳曆。魯用庚子曆。秦用乙卯曆。漢用太初曆。四分曆。三統曆。魏用黃初曆。景初曆。晉用元始曆。合元萬分曆。宋用大明曆。元嘉曆。齊用天寶曆。同章曆。正象曆。後魏用興和曆。正元曆。正象曆。梁用大同曆。乾象曆。永昌曆。後周用天和曆。丙寅曆。明元曆。隋用甲子曆。開皇曆。皇極曆。大業曆。唐用戊寅曆。麟德曆。神龍曆。大衍曆。元和觀象曆。長慶宣明曆。寶應曆。正元曆。景福崇元曆。晉天福用調元曆。周顯德用欽天曆。宋太祖用應天曆。太宗用乾元曆。真宗用宜天曆。仁宗用崇天曆。英宗用明天曆。俱見春明退朝錄。

十二生肖

王伯厚困學紀聞白。朱文公嘗問蔡季通。十二相屬。起於何時。首見何書。又謂以二十八宿之象言之。惟龍與牛為合。而他皆不類。至於虎當在酉。而反居寅。鷄為木屬。而反居酉。又舛之甚者。韓文考異。毛穎傳。封卯地。謂十二物。未見所從來。愚按。吉日庚午。既差我馬。午為馬之證也。李冬。出土牛。丑為牛之證也。蔡邕月令論云。十二辰之

會五時所食者必家人所畜丑牛未羊戌犬酉鷄亥豕而已其餘虎以下非食也月令正義云鷄為木羊為火牛為土犬為金豕為水但陰陽取象多塗故午為馬酉為鷄不可一定也楊升菴慎曰子鼠丑牛十二屬之說朱子謂不知所始余以為此天地自然之理非人能為也日中有金鷄乃酉之屬月中有玉兔乃卯之屬日月陰陽互藏其宅也古篆巳字作蛇形亥字作豬形餘可推而知矣空同子李夢陽曰十二

支子鼠丑牛等初謂取象耳然木人見漆則傷猶見寅人則啗其兒走徙其窠

王廷相雅述云世之木人多矣而瘍者間有之不木而瘍者亦有之父木而子不木其瘍則同何耶使一家三兩皆為寅屬其貓不養子耶寅人見之徙其子非寅人見之亦徙此

耶何草木子葉世傑曰術家以十二肖配十二辰每肖各有不足之形焉如鼠無牙

牛無齒虎無脾兔無唇龍無耳蛇無足馬無膽羊無神猴無臂鷄無腎犬無腸豬無

筋人則無不足也王文恪公整曰二十八宿分布周天以直十二辰每辰二宿子午

卯酉則三而各有所象女土蝠虛日鼠危月燕子也室火豬壁水獮亥也奎木狼婁

金狗戌也胃土雉昴日鷄畢月烏酉也背火猴參水猴申也井木犴鬼金羊未也柳

土獐星日馬張月鹿午也翼火蛇軫水蚓巳也角木蛟亢金龍辰也氏土貉房日兔

心月狐卯也尾火虎箕水豹寅也斗木獬牛金牛丑也天禽地曜分直於天以紀十

二辰曰以七曜統之。此十二肖之所始也。王充論衡物勢篇曰：五行之氣相賊害，含血之倫相勝服，其驗何在？曰：寅木也，其禽虎也；戌土也，其禽犬也；丑未亦土也，其禽牛；未禽羊也，木勝土，故犬與牛差為虎所伏也；亥水也，其禽豕也；巳火也，其禽蛇也；子亦水也，其禽鼠也；午亦火也，其禽馬也；水勝火，故豕食蛇；火為水所害，故馬食鼠屎而腹脹；曰：審如論者之言，含血之倫亦有不相勝之效。午馬也，子鼠也，酉鷄也，卯兔也，水勝火，鼠何不逐馬？金勝木，鷄何不啄兔？亥豕也，未羊也，丑牛也，土勝水，牛羊何不殺豕？巳蛇也，申猴也，火勝金，蛇何不食猴？猴者畏鼠也，嚙猴者犬也，鼠水獼猴金也，水不勝金，獼猴何故畏鼠也？戌土也，申猴也，土不勝金，猴何故畏犬？十二辰之禽，五行之蟲，以氣性相克，則尤不相應。凡含血之蟲相服，至於相啖食者，自以齒牙頓利，勐力優劣，自相勝服。長州戴冠筆記曰：十二生肖之義，嘗聞人述浙江參政左公贊之言，謂以足上趾爪奇耦，辨辰數之奇耦，或以子肖鼠，鼠足爪前耦後奇，又何也？予曰：此可見取象極精。蓋子乃陰極生陽，又在夜半，萬物皆息之時，惟鼠獨動。若陰中有陽，靜中有動，然故取象於此。丑牛，牛蹄分為耦，寅虎，虎則五爪為奇，卯兔，兔則四爪為耦，自餘無不然。獨巳肖蛇，蛇固無足，又何取義？蓋巳在月，乃純陽之月，在

時乃純陽之時數雖偶而時則陽故用蛇以象之蛇乃陰物不用其足而象已著疑亦諱言乎陰之意爾又易曰乾為馬坤為牛造化權輿云馬之蹄圓牛之蹄折亦此義也何燕泉孟春曰十二相屬取義子寅辰午申戌俱陽故取相屬之奇數以為名鼠五指虎五指龍五指馬單蹄猴五指狗五指丑卯巳未酉亥俱陰取相屬之偶數牛四爪兔兩爪蛇雙舌羊四爪豬四爪見洪異漫錄子午卯酉五行死處其屬體皆有虧鼠無膽兔無腎馬無胃鷄無肺見曾三異因話錄或曰鼠膽在首非無也余按論非

爪與戴所記蓋相通論體虧與葉所論則互異更參之

合觀古今諸說而十二生肖可攷見矣

子時上四刻屬本日管下四刻屬次日管故鼠前二足屬陰四爪後二足屬陽五爪

### 正旦晴

談苑江南民言正旦晴萬物皆不成元豐四年正旦九江郡天無片雲風日明快是年果旱又白芒種雨百姓苦蓋芒種須晴明也春雨甲子赤地千里夏雨甲子乘船入市言雨多也又春甲子雷五穀豐登又於四月一日至四日占一歲之豐凶一日雨百泉枯言旱也二日雨傍山居言避水也三日雨騎水驢言踏車取水亦旱也四

日雨。穀有餘。言大熟也。禪師惠南嘗言上元一夕晴。麻小熟。兩夕晴。麻中熟。三夕晴。麻大熟。若陰雨。麻不熟。絕有驗。正月初二十日。乃大將軍下降。逢太后之日。午後三刻有惡風。按元旦至食時為麥食。至日暎為稷。暎至脯為黍。脯至下脯為菽。下脯至日入為麻。欲終日有雨。有雲有風。有日。當其時。深而多實。無雲有風。日當其時。淺而多實。有雲風無日。當其時。深而少實。有日無雲。不風者。稼有敗。按便民書。稱歲旦晴朗。歲豐民安。又曰。元日晴和。無日色。主有年。

正月十六。謂之落燈夜。晴主旱。二十日謂之秋收日。晴主秋成。二月十六日。謂之黃姑浸種日。西南風主大旱。二十日謂之小分龍日。晴分懶龍主旱。雨分健龍主水。七月十五日。謂之蒼杆生日。雨主水。十月十六日。謂之寒婆生日。晴主冬煖。穀日俗名上八日。宜晴。諺云上八夜勿見參星。月半夜弗見紅燈。小暑日雨。名黃梅。顛倒轉主水。

正月一日有雷。則七月有霜。二月一日有雷。則八月有霜。

### 陽九百六

每見史傳稱陽九百六。而不得其說。按洪景盧續筆云。以曆志考之。其名有八。初入

元百六曰陽九。次日陰七。又有陰七陽七陰五陽五陰三陽三。皆謂之災歲。大率經四千五百六十而災歲五十七。以數計之。每及八十歲。則值其一。然則陽九即當承百六而言。所謂災歲。益不止陽九也。及攷張世南游宦記。聞所載王湜太乙用后備。簡則云。四百五十六年為一陽九。二百八十八年為一百六。陽九奇數也。為陽數之窮。百六偶數也。為陰數之窮。與景虛所記不同。又曰。後羿寒浞之亂。得陽九之數七。赧王衰微。得陽九之數八。桓靈卑弱。得陽九之數九。煬帝滅亡。得陽九之數十。周宣王父厲而子幽。得百六之數十二。敬王時。吳越相殘。海內多事。得百六之數十三。秦滅六國。得百六之數十四。東晉播遷。十六國分裂。得百六之極。而反於一。五代亂離。得百六之數三。此所謂應者也。舜禹至治。得百六之數七。周成康。得百六之數十一。小甲雍巳。得陽九之數五。而百六之數九。庚乙武丁。得陽九之數六。不降得百六之數八。盤庚小辛。得百六之數十。漢明帝。得百六之數十五。唐貞觀。得百六之數二。此所謂不應者也。靈寶經云。陽九百六。劫之大者也。陽極於九。故云陽九。陰極於六。故云百六。即陰六也。小則三千三百年。次則九千九百年。大則九九八十一萬年為劫。終也。又洞玄經。天厄謂之陽九。地虧謂之百六。道跡經。言陽九者。天旱海涌而陸隹。

百六者。大水海陸而陵淵又微不同。海錄碎事。方丈西北有陰成大山。滄浪之西有陽長大山。此二山是陽九百六曆數之標揭也。百六之運將至。則陽長水竭。陰成水架。陽九之運將至。則陰成水竭。陽長水架。三清三天。正法經。天圓十二綱。地方十二紀。天綱運闕三百六十輪為一周。地維推機三百三十輪為一度。天運三千六百周為陽勃。地轉三千三百度為陰蝕。天氣極於太陰。地氣窮於太陽。故陽激則勃。陰否則蝕。陰陽勃蝕。天地氣反。氣反乃謂之小劫。天運九千九百闕為陽蝕。地轉九千三百度為陰勃。陽蝕則氣窮於太陰。陰勃則氣極於太陽。故陰否則蝕。陽激則勃。陰陽蝕勃。則天地改易。天地改易。謂之大劫。

年呼粟多

胡元瑞筆叢云。佛經時最少者。名為刹那。百二刹那為一怛刹那。六十怛刹那為一羅漢。三十羅漢為一年。呼粟多。三十年呼粟多為一晝夜。年呼粟多一名年休多。註須臾也。見大藏一覽。一千六百刹那為一迦那倍。六十名橫呼律多倍。三十名為一日。夜見酉陽雜俎。洪景盧云。瞬息須臾頃刻。皆不久之詞。與釋氏一彈指間一刹那頃之義同。而釋書分別甚備。新婆娑論云。百二刹那成一怛刹那。六十怛刹那成一臘。

縛二十臘縛成一车呼麥多三车呼麥多成一晝夜臘縛即羅婆也又毗曇論一刹那者翻為一念。一怛剎翻為一瞬六十怛剎那為一息一息為一羅婆三十羅婆為一摩睺羅翻為一須臾又僧祇律二十念為一瞬二十瞬名一彈指二十彈指名一羅預二十羅預為一須臾一日一夜三十須臾楞嚴經時不在名為刹那俱舍云壯士一彈指頃六十五刹那。仁王云一念中有九十刹那一刹那經九百生滅毗曇翻為一念。日藏云一千六百刹那名一迦羅楞伽經又云二百四刹那為一恆刹那三十恆殺那為一婆羅三十婆羅名一摩睺羅多三十摩睺羅多為一日一夜其一日一夜有六百四十八萬刹那。

### 十直齋日

感應篇太上老君演說每月十直齋日。初一念無量太華天尊。初八念玄上玉晨天尊。十四日度仙上聖天尊。十五日玉寶皇上天尊。十八日好生度命天尊。二十三日玄真萬福天尊。二十四日太靈虛皇天尊。二十八日太妙玉極天尊。二十九日真皇洞神天尊。三十日玉虛明皇天尊。

### 至正萬曆兩甲午節氣



南村輟耕錄載至正三十一年甲午歲節炁正月一日壬子立春。二月二日癸未驚蟄。三月三日癸丑清明。四月四日甲申立夏。五月五日甲寅芒種。六月六日乙酉小暑。七月七日乙卯立秋。八月八日乙酉白露。九月九日丙辰寒露。十月十日丙戌立冬。十一月十一日丁巳大雪。十二月十二日丁亥小寒。可謂奇聞。及考萬曆甲午年。則正月一日雨水。二月二日春分。三月三日穀雨。四月四日小滿。五月五日夏至。六月六日大暑。七月七日處暑。八月八日秋分。九月九日霜降。十月十日小雪。十一月十一日冬至。十二月十二日大寒。一節氣一中氣。逐月不移一日。又俱係甲午年。可謂奇之奇矣。

### 額沙塗月

中國以月晦為一月。天竺以月滿為一月。唐西域記云。月生至滿謂之白月。月虧至晦為之黑月。又日隨月後行。至十五日覆月都盡。是名黑半。日在月前行。至十五日具足圓滿。是名白半。又十二月所建各以所直二十八宿名之。自四月十六日至五月十五日為額沙荼月。即鬼宿名也。自五月十六日至六月十五日謂之室羅代拏月。即柳星名也。自六月十六日至七月十五日謂之婆羅鉢陀月。即翼星名也。又佛經十

二月名正月曰阿濕縛庚閏二月曰羯粟底伽三月曰未迦始羅四月曰報沙五月  
曰磨迦六月曰額勒審那七月曰制怛那八月曰吠舍佉九月曰誓瑟撓十月曰阿  
沙荼十一月曰室羅茂拏十二月曰婆達羅鉢陀余嘗得東洋佛郎機譯語內稱正  
月曰因犁而二月曰醞而勿犁三月曰媽女土四月曰亞勿犁五月曰媽奴六月曰  
倫牛七月曰佛流八月曰項除九月曰亞珍勿犁十月曰呵道勿犁十一月曰奴綿  
勿犁十二月曰必先勿犁翻譯名義春三月謂制且還月吠舍佉月逝瑟吒月鞋韃  
年歲曰失你極正月曰豁必撒刺二月曰豁者兒撒刺三月曰兀格勒陳撒刺四月  
曰可可亦撒刺五月曰兀刺魯撒刺六月曰兀亦魯撒刺七月曰古闌撒刺八月曰  
卜忽撒刺九月曰忽察撒刺十月曰客勒不禿兒撒刺十一月曰亦得勒忽撒刺十  
二月曰可可勒兒撒刺閏月曰紐蠻撒刺時刻曰察黑兀亦兒四季曰孕兒邊察黑

正月乙子

商雒鼎十有四月。蔡君謨以問劉原父不能對。呂氏考古圖器銘有十三月十九月  
敦牧銘惟王十年十有三月。庖言云。十三月或是閏月。史記曆書注歲十有二月。有閏  
則云十三月。其說近之。若十四月十九月。則不可知。又占器銘有云。正月乙子。或云

十子疑即甲子丙子世賔人淳取其同類存之以俟博識

### 丙丁龜鑑

丙午丁未之歲中國遇此輒有變故非禍生於內則夷狄外侮三代遠矣姑撫漢以來言之高祖以丙午崩權歸呂氏幾覆劉宗武帝元光元年為丁未長星見蚩尤旗亘天其春戾太子生始命將出征匈奴自是之後師行三十年屠滅死者不可勝數及於巫蠱之禍太子子父皆敗昭帝元平元年丁未帝崩昌邑立而復廢一歲再易主成帝永始二年三年為丙午丁未王氏方盛封莽為新都侯立趙飛燕為皇后由是國統三絕漢業遂頹雖光武建武之時海內無事然勾引南匈奴稔成劉淵亂華之釁正是歲也殤帝安帝之立直此二年東漢政亂實基於此威帝終於永康丁未孝靈繼之漢室滅矣魏文以黃初丙午終明帝嗣位司馬氏奪國兆於此時晉武太康六年惠帝正在東宮五胡毒亂此其源也東晉訖隋南北分裂九縣廳回在所不論唐太宗貞觀之季武氏已在後宮中宗神龍景龍其事可見代宗大曆元二大盜初平而置其餘孽於河北強藩悍鎮卒以亡唐寶曆丙午敬宗遇弒太和丁未是為文宗甘露之變至於不可救藥僖宗光啓之際天下固已大亂而中官劫幸興元

襄王焜僭立。後晉開運遺禍至今。宋景德方脫契丹之擾。而明年祥符神仙宮觀之役。崇熾海內。虛耗治平。丁未。王安石入朝。憎亂宗社。靖康丙午。都城受圍。逮於丁未。汴失守矣。淳熙丁未。高宗上仙。總而言之。丁未之禍。又慘於丙午。昭昭天象。見於運。行。非一力之所能為也。宋理宗朝。淳熙六年。衢州孝廉七世孫中書省奏名。柴望撰丙丁龜鑑。言丙午丁未多變者。凡二十有一。為十卷。其言多驗。

陳同甫亦云。石晉失盧龍一道。以成開運之禍。蓋丙午丁未歲也。明年藝祖始從太祖征伐。卒以平定天下。其後丁未戊申之間。真宗東封西祀。以告太平。又六十年。神宗以丁未歲即位。國家之事。中是一變矣。又六十年。而丙午丁未。遂為靖康之禍。天道六十年一變。可不有以應其變乎。

姑茂徐應秋君義父輯

四荒所屆

路史曰。溟渤漲洋。此天之所以限東徼也。惡溪沸海。此地之所以阻南徼也。陷河之設於西。瀚海之設乎北。此天之所以遮西而制北者也。激漳霧於東。維界黑水於南。極泄流沙於西。陞決弱水於北。荒。此天之所以界四維也。春秋歷命。敎人。皇分九州。神農甄別四海。東西九十萬里。南北八十一萬里。括地象八極之廣。東西二億三萬三千里。南北二億三萬一千五百里。淮南子。禹使大章步自東極至西極。二億三萬三千五百里。七十五步。豎亥步自北極至於南極。二億三萬三千五百七十五步。吳越春秋。禹東造絕迹。西延積石。南逾赤峰。北過玄谷。而徘徊乎崑崙。察六扈。青泉赤淵。分入洞穴。金匱玉符。以鎮川瀆。東至搏木。日出九津。青羗之野。攢樹之所。摺天之山。鳥谷青山之鄉。窮髮帶方之地。南至交趾。絲濮續揣之域。丹粟沸水之際。南嫉黃支之堵。不死之望。西過三危之阨。巫山之下。飲露之民。奇肱三面。北至太正之谷。夏海之窮。祝所之界。禹強之里。積冰積石之山。爾雅。東至於泰遠。西至於邠國。南至於

漢鉛北至於祝粟謂之四極。觚竹北戶西王母日下謂之四荒。淮南子東方之極自碣石過朝鮮貫大人之國東至日出之次搏木之地青土樹木之野太皞勾芒之所司者萬二千里南方之極自北戶孫之界貫顓頊之國南至委火炎風之野赤帝祝融之所司者萬二千里中央之極自崑崙東絕恒山日月之所道江河之所出人民之野五穀之宜龍門河濟相貫以息壤堙鴻水之洲東至於碣石黃帝后土之所司者萬二千里西方之極自崑崙絕流沙沉羽西至三危之國石城金室飲氣之民不死之野少皞蓐收之所司者萬二千里北方之極自九函窮夏海之所極北至令正之俗有凍寒積冰雪電霜霰漂潤羣水之野顓頊玄冥之所司者萬二千里又曰九州之外乃有八殞自東北方曰大澤曰無通東方曰大渚曰少海東南方曰曷區曰元穴澤南方曰大夢曰浩澤西南方曰渚資曰丹澤西方曰九區曰泉澤西北方曰大夏曰海澤北方曰大冥曰寒澤各方千里凡八殞八澤之雲是雨九州八殞之外而有八絃亦方千里自東北方曰和丘曰荒土東方曰棘林曰桑野東南方曰大窮曰衆女南方曰都廣曰反戶西南方曰焦僥曰炎土西方曰金丘曰沃野西北方曰一目曰沙所北方曰積冰曰委羽凡八絃之氣是出寒暑以合八正必以風雨八絃之

外乃有八極。自東北方曰方土之山。曰蒼門。東方曰東極之山。曰開明之門。東南方曰波母之山。曰陽門。南方曰南極之山。曰暑門。西南方曰編駒之山。曰白門。西方曰西極之山。曰閭闔之門。西北方曰不周之山。曰幽都之門。北方曰北極之山。曰寒門。佛經稱須彌山東天下名佛波提一名東弗于遂。縱橫九千由旬。圓如滿月。人面如之。壽三百歲。西名西瞿耶尼。縱橫八千由旬。彎如半月。人面如之。壽三百歲。南名南閻浮提一名南瞻部洲。縱橫七千由旬。北廣南狹如車箱。人面如之。壽百歲。北名鬱單越洲。縱橫十千由旬。四方正等。人面如之。壽千歲。長倍三天下人。四洲統名娑婆世界。又成光子云。中天竺國東至震旦五萬八千里。南至金地國西阿拘遮國北至小香山阿耨達池各五萬八千里。雲笈七籤與放品經載東方弗于岱九萬里之外。極豪林之墟。其國名呵羅提之國。國地形正圓。其色如碧脂之鮮。人長二丈。壽四百歲。南方閻浮利三千里之外。極洞陽之野。其國名伊沙施之國。國地平博。無有高下。土色如丹。人長二丈四尺。壽三百六十歲。西方俱耶尼七十萬里之外。極浩素之壠。其國名尼維羅綠那之地。形多高壠。與天西關相接。土色白如玉。人長一丈六尺。壽六百歲。北方鬱單越五十萬里之外。國極朔陰之庭。其國名旬羅地之國。國地長流。

平。澳。土。色。黑。潤。人。長。一。丈。二。尺。壽。三。百。歲。上。方。九。天。之。上。清。陽。空。虛。之。內。元。精。青。沈。自。然。之。國。以。青。氣。為。世。界。上。極。無。窮。四。覆。諸。天。則。高。上。玉。皇。萬。聖。帝。真。受。生。之。根。元。壽。命。無。量。惟。劫。為。年。中。國。極。大。風。澤。去。地。五。百。二。十。億。萬。里。綱。維。地。源。制。使。不。落。土。色。如。金。之。精。國。名。太。和。寶。真。無。量。之。國。法。苑。珠。林。第。一。北。鬱。單。越。其。土。正。方。有。大。樹。名。菴。婆。羅。地。生。軟。草。盤。縈。右。旋。色。如。紅。翠。香。如。婆。師。軟。若。天。衣。甚。柔。軟。以。足。踏。地。地。凹。四。寸。舉。足。還。復。地。平。如。掌。四。面。有。四。阿。耨。達。池。地。純。眾。寶。常。有。自。然。杭。米。如。白。華。聚。有。自。然。釜。鏡。有。摩。尼。珠。名。曰。談。光。置。於。鏡。下。飯。熟。光。滅。有。樹。名。曰。曲。躬。葉。葉。相。次。天。雨。不。漏。諸。男。女。止。宿。其。下。有。香。樹。出。種。種。衣。食。嚴。身。之。具。彼。人。民。洗。浴。注。已。遇。衣。便。着。不。求。本。衣。次。至。香。樹。樹。為。曲。躬。其。人。手。取。樂。器。調。絃。娛。樂。其。土。中。夜。阿。耨。達。龍。王。起。清。淨。雲。而。降。甘。雨。其。人。起。欲。心。時。熟。視。女。人。彼。女。隨。逐。往。詣。園。林。其。人。是。彼。男。子。骨。肉。中。表。不。應。行。欲。者。樹。不。曲。蔭。各。自。散。去。若。非。親。者。樹。則。曲。蔭。隨。意。娛。樂。彼。人。命。終。莊。嚴。死。屍。捨。之。而。去。有。鳥。名。憂。慰。禪。伽。接。彼。死。屍。置。於。他。方。其。地。有。二。中。洲。一。矩。婆。洲。二。憍。拉。洲。第。二。東。弗。於。逮。其。土。正。圓。有。大。樹。名。伽。藍。浮。其。洲。邊。有。二。中。洲。一。提。河。洲。二。毗。提。河。洲。自。不。殺。生。有。自。死。者。則。食。其。肉。人。無。黑。色。餘。同。閻。浮。提。第。三。西。



俱耶尺土形如滿月。有樹王曰斤提于。彼樹下有一石牛。以此因緣。名瞿尼尼。此云牛貨。牛貨洲邊有中洲者。一捨墟洲。二喞怛羅漫里拏洲。彼土人同閻浮提。第四閻浮提。土南狹北廣。有大樹王。名閻浮提。於此樹下有閻浮那檀金。聚復有金翅鳥王樹。名俱利跋婆羅阿修羅王。有樹名曰善盡人壽百歲。中天者多。順正理論云。南瞻部洲有邊洲一名遮末羅洲。一名茂羅遮羅洲。鄒衍謂九洲之外。又有九洲。東南神州曰旦土。正南邛州曰深土。西南戎州曰滔土。正西弁州曰升土。正中冀州曰白土。西北括州曰肥土。正北齊州曰成土。東北咸州曰隱土。正東揚州曰信土。而神州為中國。自有九洲。漢人採之。作河圖。括地象。近西洋耶酥教稱天下總分五大洲。一曰亞細亞。中國四夷。天竺。回回。國居此內。南至沙馬。大臘。呂宋等島。北至新增。白臘。及北海。東至日本島。大明海。西至大乃河。墨河的湖。大海。西江海。小西洋。二曰歐羅巴。則大西諸國。居焉。南至地中海。北至卧蘭的亞。及冰海。東至大乃河。墨河的湖。大海。西至大西洋。三曰利未亞。黑人國。在此南至大浪山。北至地中海。東至西江海。仙勞冷祖島。西至河摺亞諾滄。四曰北亞墨利加。與亞細亞大洲并。女直奴兒干國相連。五曰南亞墨利加。其大洲在中國之東。全為大海所圍。南北以微地相聯。五大洲

外近南極有墨瓦蠟泥加地方無人居焉其地盡在南方惟見南極而北極常藏其界未審惟北邊與大小瓜哇及墨瓦蠟泥峽為境也又按山起崑崙發脉州四部水滙尾閭統原四海弱水西入黑水南迴瀚海北轉鴨綠東來長江七折大河九曲北海之僻國名骨刺厥夜惟易晝長夜短西海之僻國名天竺西牖迎陽向東則無日也黑齒實之極也厥土惟易拂林申之極也厥土慘肅飲米已之極風俗囂醜流鬼亥之極風俗何陰戟手懸渡辰東則惟熱沖沖而已漏天戌西則惟寒悽悽而已五臺丑北月炎雪積而六月尤寒象臺未南歲際納涼而季冬尤熱

### 歷代方輿

黃帝之時百里之國萬區堯分冀兗青徐揚荆豫梁雍為九州舜以冀青地廣分冀為幽州并州青為營州是為十二州爾雅九州則兩河間曰冀河南曰豫河西曰雍漢南曰荆江南曰揚濟東曰徐燕北曰幽齊曰營而無青梁并此殷九州也史稱夏禹所治四海其地東西二萬八千里南北二萬六千里周以徐州入於青州以梁州入於雍州分冀州之地以為幽州并州周禮職方東南曰揚正南曰荆河南曰豫正東曰青正西曰雍河東曰兗東北曰幽河內曰冀正北曰并而無徐梁營此周九州

也。秦并天下，分為三十六州。漢以秦郡太廣，稍復開置，又開廣三邊，凡郡國一百有三，仍增九州，為十二州。其地東西九千三百二里，南北一萬三千三百六十八里。而王畿七郡，則司隸統之，共十三部。魏改司隸為司州，晉分十九州為司州、兗州、豫、冀、幽、平，并雍、涼、秦、梁、益、寧、青、徐、荆、揚、交、隋郡縣不純用舊名，而九州不改。禹貢依漢置刺史，分部巡察，凡一百九十郡。唐分天下為十道，曰關內、河南、河東、河北、山南、隴右、淮南、江南、劍南、嶺南。開元間，以山南、江南各分東西道，又分關內、京北、府、鳳、翔、府及同華、商、約四州為京畿，分河南道、河南府及汝州為都畿，又增置黔中道，通前共兩畿十三道。宋分天下為十五路，其後析為十八，又析為二十三，以至二十六，曰京畿路、京東路、京西路、京西南路、京西北路、河北東路、河北西路、曰河東路、曰陝西興軍路、曰陝西秦鳳路、曰兩浙路、曰淮南東路、曰淮南西路、曰江南東路、曰江南西路、曰荆湖北路、曰荆湖南路、曰福建路、曰成都路、曰潼川路、曰利州路、曰夔州路、曰廣南東路、曰廣南西路、曰燕山路、元立中書省一，行中書省十一，屬以路府州縣四等，其制繁瑣不能詳。

太平太蒙

距齊州以南戴日為丹穴北戴斗極為空桐東至日所出為太平西至日所入為太  
蒙太平之人仁。陝丹穴之人智。南太蒙之人信。西空桐之人武。北南方有不死之草。  
北方有不釋之冰。東方有君子之國。西方有形殘之尸。桑利之民。一手一足。深目之  
民。一手一目。山噓之神。足反向上。一目之國。目居面中。大荒中有三苗之鄉。北極下  
有一脚之國。無腸之國。在深目東。其人無腸。氏人之國。在建木西。其人無足。據北之尸。  
其人無一手。吳回奇左。是無右臂。麻壽之民。其人無景。牛黎之國。其人無骨。扶桑以  
鹿乳為酪。吾涼愛達以馬乳為飲。瓜哇以蛇蟻為餌。道明以虫鳥為養。弩耳干以狗  
為糧。大食以駝象為糧。都播以百合為飯。乙費敵以蘇口為餐。高昌以登相之草為  
殼。生黎以猴為饌。庫莫奚以稜為粥。山海經。羽民之國。生羽。卯民之國。生卵。犬國之  
人生男為犬。織綃之鮫人泣珠。據樹之女子歐絲。有沃之民。鳳卵是食。蜮國之民射  
蜮是食。君子之國。其人使虎搏父之國。其人操蛇。山氣多男。澤氣多女。障氣多暗。風  
氣多聾。林氣多癢。木氣多偃。岸下氣多腫。石氣多力。險阻氣多癭。暑氣多天。寒氣多壽。  
谷氣多癩。丘氣多狂。行氣多仁。陵氣多貪。輕土多利。重土多遲。清水音小。濁水音大。湍  
水人輕。遲水人重。堅土人剛。弱土人肥。壚土人大。沙土人細。息土人美。耗土人醜。土青

曰黎土黃曰埴土赤曰鼠肝土白曰漂土黑曰盈白水宜玉黑水宜砥青水宜碧赤水宜丹黃水宜金清水宜龜汾水濛濁而宜麻濟水通和而宜麥河水中濁而宜菽雒水輕利而宜禾渭水多力而宜黍溪水重安而宜竹江水肥仁而宜稻東方之美者有醫母閭之珣玕琪焉東南方之美者有會稽之竹箭焉南方之美者有梁山之犀象焉西南方之美者有華山之金石焉西方之美者有霍山之珠玉焉西北方之美者有崑崙之球東玕焉北方之美者有幽都之筋角焉東北方之美者有斤山之文皮焉中央之美者有岱岳以生五穀又苧麻魚鹽出焉山上有茵下必有銀有薤必有金有薑下必有銅錫山有玉者木旁下垂謂之寶苗凡山巖盛夏必汗黃赤者金汗白而辛者銀水圓折者有珠方折者有玉又山上有丹砂者下有黃金上有瑤石者下有銅上有陵石者下有鉛錫上有賴下有鐵五百歲天下名山一開開則金玉之精湧出丹止千年一燒黃河千年一清山於春如慶於夏如競於秋如病於冬如定又曰春山淡泊而如笑夏山蒼翠而如滴秋山明淨而如粧冬山慘淡而如睡遠山宜秋近山宜春高山宜雪平山宜月山靜晝亦夜山淡春亦秋山空暖亦寒山深情亦雨山過山則分雖分而性不分如羅浮二碣以風雨而合蘿蓬萊兩山隨波

濤而上下。元中記云名山有孔竅相通是也。水過水則合，雖合而性不合。上黨清漳，濁漳合流，當陽沮漳合流，灑上章貢合流，鄣郡西江合流，毫漳潯合流，雲夢漳沈合流，凡此數處皆清濁合流，理如蟬竅，海山微茫而隱見，江山巖厲而峭卓，溪山窈窕而幽深，塞山童顛而堆阜，玲瓏剔透，桂林之山也。巉差窟空，巴蜀之山也。綿衍龐魄，河北之山也。俊俏巧麗，江南之山也。嵩山多好溪，華山多好峯，衡山多好岫，秦山特好主峯，華山如立，泰山如坐，嵩山如卧，山頂泉輕而清，山下泉清而重，石中泉清而甘，沙中泉清而冽，土中泉清而厚，水源有龍處水中，時有赤脉，蓋其涎也不可犯，山有積銀上多素霧，草莖黃秀，下有藏銅琥珀所生，其旁無草，廣州羅浮之山，蓬萊之所浮也，廬州浮槎之山，耆闍之所別也，杭州飛來之峯，中天竺靈鷲之所分也，紹興獨婦之山，西蜀之所飛也，新豐慶山，露臺之所涌也，北荒有石湖焉，其廣千里，其水恒冰，南海有石塘焉，其廣千里，海舶入之則陷，西方虞顏爰有頤海，廣五千里，見黃金則涌起而逐之，西北之海有泥林焉，林木浮生，廣三百里，隨波上下，蓄積之中，有聖鐵焉，含之可以辟兵，麗水之中，有鐸銷焉，所措無不洞達。

伏羲都陳。今開封府陳州神農亦都陳。黃帝都涿鹿。今順天府涿州。括地志云涿鹿故城在媯川。今朵顏之地。少昊都曲阜。顓帝都帝丘。今山東濮州。帝嚳都亳。今河南偃師縣。堯都平陽。今山西平陽府。虞舜都蒲阪。今蒲州。夏都安邑。今平陽府夏汲冢。書曰禹都陽城。商亦都亳。周都豐鎬。即今西安府長安縣。東遷都洛陽。今洛陽縣。秦都咸陽。今陝西咸陽縣。西漢都洛陽。五年復遷長安。東漢都洛陽。魏亦都洛陽。吳初居鎮江。都武昌。後遷建業。今應天也。蜀都西晉亦都洛陽。東晉都建康。宋齊都建康。梁都建康。元魏初都雲中。今大同府懷仁縣。後遷洛陽。北齊都鄴。今河南彰德府。西魏都長安。後周都長安。隋始都長安。移去城北三十里龍首山都。其後巡幸徙洛陽。唐都長安。梁都汴。今開封。唐都汴。漢周俱都汴。宋都汴。南宋都臨安。今杭州府。元都大都。今順天。時至上都則宣府之外國朝都。應天永樂徙北京。今順天。魏五都。魏傳漢祚。復都洛陽。以譙為先人本國。許昌為漢之所居。長安為西京之遺迹。鄴為王業之本基。號五都。唐以京北為上都。河南為東都。鳳翔為西都。江陵為南都。太原為北都。

### 郡縣陰陽

洪景盧曰。山南為陽。水北為陰。穀梁傳之語也。若山北水南則為陰。故郡縣及地名。

多用之今畧叙於此山之南者如嵩陽華陽恒陽衡陽鎮陽岳陽嶧陽夏陽城陽陵陽

岐陽首陽營陽咸陽櫟陽宜陽山陽屬河南郡太行在北廣陽辟陽河陽魯陽黎陽樅陽零陽

巫陽東陽詔陽柳陽揭陽弋陽屬汝南郡在北當陽青陽黔陽壽陽麻陽雲陽美陽復陽

南陽復上口陽屬常山在陽下曲陽屬鉅鹿桐陽屬五原陽屬雲中水之北者馮翊之池陽頻陽

郃陽沈陽扶風之杜陽河東之大陽大河平陽之陽太原之晉陽汾陽及河陽洛陽

滎陽偃陽渭陽淮陽汶陽濟陽襄陽滄陽漁陽遼陽泗陽伊陽永陽滌陽潮陽澧陽

淮陽汧陽洮陽沐陽東郡之濮陽東武陽潁川之潁陽昆陽舞陽汝南之汝陽鮑陽

紂陽灌陽滇陽新陽安陽傳陽成陽南陽之育陽涅陽堵陽祭陽乾棘陽北陽朝陽

湖陽紅陽江夏之西陽廬江之尋陽九江之曲陽濟陰之句陽音鈞沛郡之穀陽

未陽漂陽魏郡之繁陽鉅鹿之堂陽清河之清陽涿郡之高陽饒陽范陽勃海之浮

陽濟南之般陽朝陽泰山之東平陽東武陽寧陽北海之膠陽東海之間陽曲陽都

陽臨淮之射陽蘭陽丹陽之丹陽陵陽溧陽豫章之鄱陽鄒陽桂陽之耒陽桂陽滇

陽武陵之無陽辰陽酉陽零陽零陵之洮陽漢中之旬陽沔陽安陽犍為之江武陽

漢陽金城之枝陽天水之畧陽阿陽安定涇陽彭陽北地之泥陽上郡之定陽雁門



之沃陽劇陽上谷之沮陽漁陽之要陽遼西之海陽右北平之夕陽聚陽蒼梧之封陽趙國之易陽膠東之觀陽長沙之益陽已上皆見漢書地理志其水之北曰在某水之陽合山水之稱陽者百有五六十至陰字則甚少蓋面勢在背自難立國邑耳山之北者唯華陰山陰龜陰蒙陰鶉陰雕陰襄陰水之南者汾陰蕩陰潁陰汝陰舞陰濟陰漢陰晉陰蒲陰湘陰潑陰河陰湖陰江陰淮陰圍陰僅三十而已若樂陽南陽合陽被陽富陽屬秦昌陽建陽屬東海武陽之類尚多有之莫能知其為山為水也

地名異音

郡邑之名有與本字大不同者顏師古以為上俗各有別稱者是也姑以漢書地理志言之馮翊之櫟陽為樂陽蓮勺為鞏酌太原之慮虜為廬夷上黨之沾為漆河內之隆慮為林廬蕩陰為湯陰潁川之不羹為不郎南陽之鄜為擲堵陽為若陽鄆為讚沛之鄆為嵯鄆為多清河之鄆為輸汝南之平輿為平預濟陰之宛句為宛劬江夏之沙羨為沙夷九江之橐臯為拓姑廬江之雩婁為吁閭山陽之方輿為房豫琅邪之不其為不基東海之承為證長沙之承陽為丞陽臨淮之取慮為秋廬會稽之諸暨為諸既太末為闔末豫章之餘汗為餘干廣漢之汁方為十方蜀郡之徒為斯

益州之味為昧。金城之允吾為鉛牙。允街為鉛街。武威之撲剽為蒲環。張掖之番禾為盤和。安定之烏氏為烏支。上郡之龜茲為丘慈。西河之鵠澤為梧澤。代郡之狝氏為權精。遼西之且慮為起盧。令支為鈴祗。遼東之番汗為盤寒。樂浪之黏蟬為黏提。南海之番禺為潘隅。蒼梧之荔浦為肄浦。交趾之羸陵為蓮婁。九真之都龐為都盤。日南之西捲為西權。淮陽之陽夏為陽賈。魯國之蕃為皮。皆不可推之於義訓。字書亦不盡載也。

郡縣之異字者。狐譚音之涉反。屬河東。後人後音環。屬太原。滙疆滙於謹反。屬汝南。印音忌。屬南郡。軼音太。沙羨音夷。郢音育。俱屬江夏。壺古崇字。屬潁川。稅音如。屬濟陰。鄒音嵯。屬沛郡。即裴。裴音非。屬魏郡。南嶽音良。全反。郟若么反。俱屬鉅鹿。愬題古莎字。屬清河。迺古迺字。屬涿郡。獠音由。屬濟南。樸剽音蒲環。屬武威。辦得音口。屬張掖。大曼古要字。屬北地。麓冷音頓。屬交趾。

### 海外五岳

道經言。海外蓬萊閼苑有五岳靈山。東嶽廣桑山在東海中。居九氣青天之內。南嶽長離山在南海中。居二氣丹天之內。西嶽麗農山在西海中。居七氣素天之內。北嶽

廣野山在北海中。居五氣玄天之內。中嶽崑崙山在九海中。一曰玄圃。一曰積石瑤房。一曰閭風臺。一曰華蓋。一曰天柱。水經注稱爲無熱丘。括地志稱阿耨達山。十州

記稱崑崙山爲天地心。居於中元一氣天中焉。此五大嶽也。又方壺山即方丈一在名亦嶺

北海扶桑山蓬萊山一名防丘一名雲來沃焦山在東海。連石山在東南。鍾山在北海。方丈山

員嶠山環兵岱輿山俱在大海中。鄴都山在九壘之下。玄洲在北海中。瀛洲一名魂洲亦名

穆洲。祖洲俱在東海中。鳳麟洲聚窟洲生洲俱在西海中。炎洲在南海中。又元洲

長洲俱在大海中。滄海島在大海中。高五萬里。皆神仙所居。五帝所理。則所云十洲

三島是也。按道經又稱廣乘山有碧霞之闕。瓊樹之林。紫雀翠鸞。碧藕白橋。又長離

山有朱宮絳闕。赤室丹房。紫草紅芝。霞膏金醴。麗農山有白華之闕。三素之城。玉泉

之宮。瑤林瑞獸。廣野山有瓊樓寶闕。金液龍芝。崑崙山上有瓊華之闕。光碧之堂。瑤

池。翠水金井。玉盆若中國。五嶽吳均云。大荒之內。名山五千。其在中國有五嶽。而羅

浮括蒼等十山爲之佐命。東嶽泰山名蓬元。空洞之天。一名三官空洞之天。一名岱

宗。一名介丘。羅浮括蒼爲佐命。蒙山東山爲佐理。南嶽衡山名朱陵太虛之天。一名

岫。嶽一名天柱。霍山潛山爲儲副。天台句曲爲佐理。中嶽嵩山名上帝司真之天。一

名外方山一名太室一名神嶽少室武當為佐命太和陸渾為佐理西嶽華山名太極總仙之天一名太白一名物山上元二年更名太山地肺女几為佐命西域峨眉蟠冢西元戎山吳山為佐理北嶽恒山名太乙總元之天一名元嶽一名常山河逢抱犢為佐命元灑崆峒陽洛為佐理又三佐命山青城山天柱山廬山龜山白玉經曰泰山嶽神天齊玉領仙官玉女九萬人山周迴二千里衡山嶽神司天王玉領仙官玉女二萬人周迴二千里嵩山嶽神中天王玉領仙官玉女十有二萬人為五土之主華山嶽神金天王領仙官玉女七萬人恒山嶽神安天王領仙官玉女五萬人又東方朔稱東岳太山神君服青袍戴蒼璧七稱之冠佩通陽太朔之印乘青龍南嶽衡山神君服朱光之袍戴九丹日精之冠佩夜光天圓之印乘赤龍中嶽嵩山神君服黃素之袍戴黃玉太乙之冠佩神宗陽和之印乘黃龍西嶽華山神君服白素之袍戴太初九旒佩開天通真之印乘白龍北嶽恒山神君服黑袍戴元玉月華之冠佩會真叶光之印乘黑龍五岳真形圖東岳太靈蒼光司命真君主世界人民官職貴賤生死長短之事南岳慶華紫光注生真君主星界分野兼水族魚龍之事西岳素元耀魄大明真君主世界金銀銅鐵兼羽翼飛禽之事北岳鬱微洞淵元極真君主

世界江淮河濟兼四足負荷之事。泰山在濟南境周二百餘里高四千丈。衡山在衡州境周數百里高九千七百三十丈。華山在華陰縣南十里其高五千仞廣十里。恒山在渾源州南高三千六百丈上方三十里。嵩山在登封縣境綿亘一百五十里高二千八百丈又有十大洞天。一洛京王屋山周迴一萬里為小有清虛之天。在東都二委羽山周迴一萬里為大有生明之天。在台州三梁州西城山周迴三千里為大玄極真之天。四華州西玄山周迴一千里為三玄極真之天。五西蜀青城山周迴二千里為寶仙九室之天。記稱岷山千里青城第一乃神仙都會之所六台州天台山赤城洞周迴三百里為上玉清平之天。又稱金庭洞天七循州博羅縣羅浮山周迴五百里為朱明極真之天。一作珠明八潤州句曲山周迴一百五十里界屬茅山為金匱華陽之天。一作金壇九蘇州洞庭林屋山周迴四百里為佐神幽靈之天。十處州括蒼山周迴三百里為成德隱元之天。一作隱十一若十洞天大小悉皆相通。光明景曜不可備述。太上列真之封掌之次三十六洞天。第一洞福州長樂霍童山周迴三千里名霍林之天。第二洞東嶽太山周迴一千里名蓬玄之天。第三洞南嶽衡山在衡州周迴七百里名朱陵之天。志云南嶽八百里同雁為首巖麓為足第四洞西嶽華山在華州周迴三百里名總真之天。第五洞

北嶽鎮山在鎮州周迴一百三十里為總玄之天第六洞中嶽高山在洛州周迴三千里為思真之天第七洞峨眉山在蜀嘉州周迴三百里名靈陵太妙之天第八洞廬山在江州周迴二百六十里為洞靈詠真之天第九洞四明山在明州周迴一百八十里為丹山赤水之天第十洞會稽山在越州周迴三百五十里名陽明洞天一名極玄太元之天第十一洞太白山在明州周迴五百里名玄德之天第十二洞西山在洪州周迴三百里名天寶極玄之天第十三洞大圍山在潭州醴陵縣周迴三百里名好生玄上之天第十四洞潛山在舒州懷寧縣周迴八十里名天柱司玄之天第十五洞鬼谷山在信州貴溪縣周迴七十里名玄思之天第十六洞武夷山周迴一百二十里在建寧府名昇真化玄之天第十七洞玉笥山在臨江軍周迴一百二十里名太秀法樂之天第十八洞華蓋山在温州永嘉縣周迴三十里名容成太玉之天相傳容成子修道於此第十九洞蓋竹山在台州臨海縣周迴八十里名長耀寶元之天第二十洞都嶠山在容州周迴一百八十里名寶元之天第二十一洞名白石山在和州周圍七十里名瓊秀長真之天第二十二洞句漏山在容州流陽縣周迴四十里名玉闕寶圭之天葛洪修煉於此有玉虛洞洞中物象潔白如玉有

白河洞字墨下第二十三洞九疑山在道州周迴三十里名相真太虛之天第二十  
 四洞洞陽山在潭州周迴一百十里名洞陽隱觀之天孫思邈煉丹處第二十五洞  
 幕阜山在鄂州唐年縣周迴五百里名元真太元之天第二十六洞大酉山周迴一  
 百里名大酉華妙之天第二十七洞金庭山在郟縣周迴三百里名金庭崇妙之天  
 第二十八洞麻姑山在撫州南城縣周迴一百里名丹霞之天第二十九洞仙都山  
 在縉雲縣周迴三百里名祈仙之天第三十洞青田山在青田縣周迴四十里名青  
 田大鶴之天第三十一洞鐘山在上元縣周迴一百里名朱湖太生之天第三十二  
 洞良常山在茅山東北周迴三十里名方會之天第三十三洞紫蓋山周迴八十里  
 名紫元洞炤之天第三十四洞天目山在杭州餘杭縣周迴二百里名太微元蓋之  
 天第三十五洞桃源山在朗州武陵縣周迴七十里名白馬元光之天第三十六洞  
 金華山在金華縣周迴一百五十里名金華洞元之天七十二福地則地肺山在潤州  
 山蓋竹山在台州石磴山在台州東仙源在台州青嶼山在赤水山在真郁木坑在  
臨江軍丹霞洞在撫州君山在洞庭桂源山在桂州靈墟台在天沃州在天姥峯在  
新淦縣若耶溪在會稽金庭山在郟清遠山浦在陽安山在交馬嶺山在鸞羊山在

故

曾

卷二十二

十

沙洞真墟在長沙縣西青玉壇在衡山祝融峰西洞靈源在南嶽招仙觀西光天壇在南嶽洞宮在長沙縣陶山

在溫州三皇井在溫州永嘉縣爛柯山在衢州西芹溪在建寧府建陽縣龍虎山在信州貴溪縣靈山在饒州

水源在龍川金精山在虔州虔化縣閻皂山在臨江府新淦縣始豐山在豐城縣逍遙山在洪州南昌縣東白源在洪州

州新鉢池在楚論山在丹徒縣毛公壇在禮州鷄籠山在和州桐柏山在唐興縣平都山在忠州

在忠州王方綠羅山在武陽縣彰龍山在武陽縣抱福山在連州大面山在鄂州虎溪在江州元辰山在都昌縣

在都昌縣馬蹄山在饒州鄱陽縣德山在武陽縣藍水在河中玉峰在河州天柱山在杭州商谷山在商州

張公洞在常州宜興縣湖魚洞在姚州白山中條山在河中司馬海山在天台綿竹山在蜀州

甘山在黔中瑰山在溪山金城山在古武陵縣北部山在東武當山武當山在均州女兒山在洛州

在洛州福昌縣在石真少室山在東都麗山在江州西仙源在台州南田山在東海玉瑠山在樂州

抱犢山在鎮州三十六靖廬在紫蓋瀘水丹陵守玄靈淨送仙契靜凌虛鳳凰

子真玄性契玄啟玄出谷君平斗山光天眼德尋玄得一啟靈宗華朝真黃堂迎真

招隱紫虛啟聖啟靈鳳台東華祈仙元陽東蒙貞陽右皆有仙真修煉之跡道書又

言玄都玉京山前為元京山峨眉山右為廣霞山左為紅映山紫空山五間山皆在

玉清上大羅天下又三秀山在玉京前金華山寒童靈山秀華山俱在玉京右飛霞



山在玉京後浮絕空山在太清中皆真氣所化上有宮闕

方輿志小瑤山道書第十三洞天貴溪鬼谷山道書第十五洞天峽江玉笥山十  
七洞天第八福地麻姑山道書稱三十六洞天君山道書第一福地永福高蓋山  
道書第七福地建陽焦原道書十三福地餘杭天柱山道書五十七福地又志稱  
天下有十大名山建寧府漁梁山其一也

### 五嶽四海神姓名

東嶽姓玄丘名目陸南嶽姓爛名洋光西嶽姓浩名元倉北嶽姓伏名通萌中嶽姓  
角名普生東海姓閔名內靈西海姓導名洞清北海姓喻名淵元又東海姓何名歸  
君南海姓劉名囂君西海姓劉名漱君北海姓吳名禽強君龍魚圖泰山姓圓名常  
龍衡山姓丹名靈峙華山姓浩名欝狩恒山姓澄名漕淳嵩山姓壽名逸羣呼之令  
人不病東海神姓馮名修青又名阿明夫人姓朱名隱娥南海姓口名赤夫人姓翳  
名逸寥一又名祝馱西海姓勾天名丘伯夫人姓靈名素蘭又名巨乘北海姓是名  
禹帳里夫人姓結名連翹一又名禹陽龍魚圖又有泰山將軍唐巨霍山將軍朱丹  
華山將軍鄒尚恒山將軍莫惠嵩山將軍石斗

天下名山

山海經天下名山五千三百七十居地五十六萬四千五十六里出水者八千里受水者八千里出銅之山四百六十有七出鐵之山三千一百有九中川一百三十有五小川一千二百五十有一水泉三億三千五百一十有九淮南子凡鴻水淵數自三百仞以上二億二萬三千五百五十里舉其最巨麗者則岱宗高四十里周迴三千里名峰七十有二衡山四千一十丈長沙誌云聳拔九千餘丈沿湘千里九向九背乃不復見名峰七十二巖十五洞十泉二十八溪二十五池潭井各九華山五千仞其廣千里恒山三千九百丈嵩山少室八百六十丈虛元明嵩山記高二千丈周迴七十五里天台山高一萬八千丈周八百里羅浮三千丈或曰三千六百丈周三百里嶺十五峰四百三十二洞八大小石樓二又有璇房瑤宮七十二所瀑布九百八十青城山三千六百丈豎山一千一百七十丈鄆縣雲秋山高三千九百丈周八十里四時皆若秋昌化千頃山高一千六百丈其廣千頃中有龍潭數百畝臨海縣括蒼山高一萬六千丈周三百里天目山七千五百丈長三萬九千尺岳陽風土記幕阜山高於平地一千八百丈周五百里武夷山五百仞四明山一萬八千丈三百八十二峰崑崙山高一萬

一千丈。廬山去平地九千仞。上饒靈鷲山道書三十三福地有七十二峰。高七千餘丈。綿亘百里。唐天寶中嘗棲金龍始眉山周匝千里。石龕百一十二大洞十二小洞二十八。桐柏山高一萬五千丈。周圍八百里。太行山高萬仞。新昌天姥山高三千五百丈。周六十里。沃洲山高五百丈。周千里。龍川霍山奇峰三百七十二。淮安石護湖三萬四千五百頃。長四萬三十頃。震澤三萬六千頃。合肥巢湖四百里。會稽鏡湖三百一十里。巴陵洞庭湖八百里。彭蠡四百五十里。黔陽羅公山周五百里。山頂池廣千頃。夜陰靈或有物如明珠游水上。九真山南太白湖二百里。桂林西湖七百餘畝。雲南昆明池五百里。廬山康王谷水簾高五十丈。武昌異泉飛湧四百仞。歸安縣下山高六百丈。周一百四十里。泰寧金鏡山周四百里。鄆縣萬陽山周三百里。華山白石仙人洞上有瀑布飛流直下三千餘丈。狀如垂簾。故又稱水簾洞。

謝在杭曰：齒嶺點蒼六月有積雪。日觀大崎皆於夜半見。日余登黃山及五雲下界皆昏黑。禁鐘欲動而山椒日影猶煥爛如初。旦又曰：峨眉之巔四望無與。頤頤者惟正東有一點青色如煙相傳。匡廬山也。蜀都雜抄：峨眉山佛殿自西望見三峰皆積雪如銀。云是西域崑崙山。玉堂閒話：興元南有路通巴州。深谿峭岩捫蘿

摸石三日始達山頂其絕頂謂之孤雲兩角彼中諺云孤雲兩角去天一握三秦記太白山不知高幾許俗云武功太白去天三百山下軍行不得鳴鼓角鳴則疾風暴雨兼至也島夷志琉球國有大崎山極高峻夜半登之望暘谷日出山頂為之俱明宋學士集補陀落迦山在東大洋海中鷄初鳴遙見東方日出輪赤如火夷白齋詩話泰山日觀峰夜半可以眺而見日彌望如銷金者海也綠色微茫中有若掣電者海鳥溪山也金色漸淡日輪浮動水中如大玉盤由上數則讀之可以想見魏峻之勢

元覽山東濟寧分水之間北距東昌臨清地降九十尺南距徐州沽頭地降百十有六尺桂楚壤北長沙番禺高千丈楊用修曰口天目山巔與歛之柱礎平天下名山三百六十有八柱天柱山則第六柱也天下二十四化平羗化其一也天下水府一十八處西岳車箱潭則第七水府也

天下名水

張又新煎茶水記揚子江南零水第一無錫惠山寺石水第二蘇州虎丘寺石水第三丹陽縣觀音寺水第四揚州大明寺水第五吳松江水第六淮水最下第七陸鴻

漸以廬山康王谷水簾水第一。無錫縣惠山寺泉第二。蘄州蘭溪石下水第三。峽州扇子峽下蝦蟆口水第四。虎丘寺泉第五。廬山招賢寺下方潭橋水第六。揚子江南零水第七。洪舜西山西東瀑布泉第八。唐州相岩縣淮水源第九。廬州龍池山嶺水第十。丹陽縣觀音寺水第十一。揚州大明寺水第十二。漢江金州上游中零水第十三。歸州玉虛洞下香溪水第十四。商州武關西洛水第十五。吳松江水第十六。天台西南峰千丈瀑布水第十七。柳州圓泉水第十八。桐廬嚴灘水第十九。雪水第二十。

九山十數

五鎮五岳之副也。謂之岳副。其始見於周禮。職方九州各有山鎮。周禮註鎮山之重大者。揚州曰會稽。青州曰沂山。幽州曰醫無閭。冀州曰霍山。兗州曰岱。荊州曰衡。豫州曰華。雍州曰岳。并州曰恒。岱華衡恒為四岳。加中岳嵩山為五岳。後遂以會稽山為衡岳副。霍山為嵩岳副。沂山為岱岳副。吳山即岳山為華岳副。醫無閭為恒岳副。稱為五鎮。天寶十載封沂山為安東公。會稽山為永興公。吳山為成德公。霍山為應聖公。醫無閭為廣寧公。大德二年改王號。左氏四岳三塗四岳。衡華岱恒。太行轅轅。滎澠也。呂氏春秋何謂九山。會稽。泰山。王屋澤州首山襄城。秦華。岐山。太行絳州。羊腸關。孟門。

青何謂九藪越之具區楚之雲夢秦之陽華晉之大陸梁之圃田宋之孟諸齊之海

隅趙之鉅鹿燕之大昭何謂九塞曰太汾晉在滎池荆阮方城楚皆在穀阪滎池

是也井陘常山通令病西在遼句注在雁居庸在上爾雅十藪魯有大野令高平鉅野

東北大澤是也晉有大陸令鉅鹿北廣沙澤是也秦有陽華令在扶風汧縣西宋有

孟諸令在睢陽縣東北楚有雲夢令南郡華容縣東南吳越之間有具區令吳縣南

即震澤也齊有海隅燕有昭余祁令太原鄆陵縣北九澤鄭有圃田令中牟縣西圃

田澤周有焦護令扶風池陽縣瓠中也

周禮職方氏辨九州之國使同貫利東南曰揚州山鎮曰會稽澤藪曰具區其川

三江其浸五湖正南曰荊州其鎮衡山其澤藪曰雲夢其川江漢其浸潁湛河南

曰豫州其鎮曰華山其澤藪曰圃田其川滎雒其浸波澆正東曰青州其山鎮曰

沂山澤藪曰望諸其川淮泗其浸沂沐河東曰兗州其山鎮曰岱山其澤藪曰大

野其川河沛其浸盧維正西曰雍州其山鎮曰嶽山其澤藪曰弦蒲其川涇汭其

浸渭洛東北曰幽州其山鎮曰醫無閭其澤藪曰獫狝其川河沛其浸菑時河內

曰冀州其山鎮曰霍山其澤藪曰揚紆其川漳其浸汾潞正北曰并州其山鎮曰

恒山其澤數曰昭余祀其川虜池嘔夷其浸淶易注潁出陽城宜屬豫州湛未聞  
澁宜屬荊州淮或為睢沐或為洙盧維當為雷雍弦或為汧蒲或為浦揚紆所在  
未聞嘔夷祈夷

山河上應星躔

黃河出星宿海在中國西南直四川馬湖府之正西三千餘里雲南麗江府之西北  
一千五百里自西而東合諸流水其流漸大行二十日至崑崙繞崑崙西南折而東  
而西又繞崑崙之北又轉而東北歷雲中九原至大寧始入中國爾雅河出崑崙虛  
色白所渠并千七百一川色黃百里一小曲千里一曲一直河圖括地象曰河導崑  
崙山名地首上為權勢星一曲也東流千里至規期山名地契上為距樓星二曲也  
北流千里至積石山名地肩上為別符星三曲也邠南千里入隴首山間抵龍門名  
地根上為營室星四曲也南流千里抵龍首至卷重山名地咽上為卷舌星五曲也  
東流貫砥柱觸關流山名地喉上為樞星以運教六曲也西距卷重山千里東至雒  
會名地神上為記星七曲也東流至太岷山名地肱上為輔星八曲也東流過絳水  
千里至太陸名地腹上為虛星九曲也元學士潘昂霄黃河九折胡地二折蓋乞兒

馬出反必赤里也程大昌曰黃河自鹽澤西來暨達潼關其面勢所向凡四大折其  
初一折由積石而達湟中則鄯蘭也及至靈州西南遂轉北而行凡千餘里北河西  
岸即為涼肅甘沙四郡是又一折也迨其北流千里而遙至九原豐州則又轉而  
東流故豐州北面正柱大河是又一折也豐州之東為榆林北境固抵大河而河  
從勝州之東又轉而南故勝州北東兩面皆抵大河也自此而往直至潼關皆是  
河南矣此又一折也又蟠冢山上為狼星武關山為地門上為天高星主國圖荆  
山為地雌上為軒轅星大別為地理以天合地以通三色山在鳥獸之西南上為天  
苑星岐山在崑崙東南為地乳上為天縻星汶山之地為井絡帝以會昌神以建福  
上為天井桐柏山為地穴上為維星鳥鼠同穴山地之幹也上為掩畢星熊耳山地  
門也粘上為畢附耳星晉書天文志泰山入角十二度恒山入昴五度宏農華山入  
柳一度武陵衡山入軫十度河南嵩山入星三度僧一行以為天下山河之象存乎  
兩戒北戒自三危積石負終南地絡之陰東及太華逾河並雷首底柱玉屋大行北  
抵恒山之右東循塞垣至濊貊朝鮮是為北紀所以限戎狄也南紀自岷山蟠冢負  
地絡之陽東及太華連商山熊耳外方桐柏自上洛逾江漢携武當荆山至於衡陽



乃東循嶺徼達東甌閩中。是為南紀。所以限蠻夷也。故星紀謂北戒為胡門。南戒為越門。河源自北紀之首。循雍門北徼達華陰。而與地絡相會。並行而東。至太行之曲。分而東流。與涇渭濟瀆相表裏。謂之北河。江源自南紀之首。循梁州南徼達華陰。而與地絡相會。並行而東。及荆山之陽。分而東流。與漢水淮瀆相表裏。謂之南河。故於天象。西岳臨兩戒之首。東岳承兩戒之尾。直當雲漢之衝。而北岳鎮戎狄。南岳鎮蠻夷。中岳乃地絡陰陽之交也。一行又云。降婁玄枵以負東海神。主於岱宗。歲星位焉。星紀鶉尾以負南海。其神主於衡山。熒惑位焉。鶉首實沈以負西海。其神主於華山。太白位焉。大梁析木以負北海。其神主於恒山。辰星位焉。鶉火大火壽星豸韋為中州。其神主於嵩丘鎮星位焉。

### 西海北海

洪景廬云。海一而已。地之勢西北高而東南下。所謂東北南三海。其實一也。北至於青滄。則云北海。南至於交廣。則云南海。東漸吳越。則云東海。無有所謂西海者。漢西域傳所云蒲類海。疑亦居亭一律耳。班超遣甘英往條支。臨大海。蓋即南海之西耳。程奉之北邊備對。四海之邊中國者。在山東。則為東海。在廣南。則為南海。人人得而

同見若夫禹迹所及西境流沙而極不言西海東北嘗至碣石而北海之名不著於經則謂外薄四海訖於四海如之何而四也漢武事遠有效使命方行四表故西北二海有目擊者條支之西有海焉甘華親至其地而西海之西又有大秦者即波斯夷霍去病封狼居胥山實臨瀚海瀚海者北海也蘇武郭吉皆為匈奴所幽真諸北海之上而唐史所載突厥部北海之北更有所骨利幹之國焉在海北岸然則詩之所稱四海皆環夷夏而四之非寓言也若夫西北有西海柏海青海蒲類海菴蒲海居延海白亭海鮮水海則衆水所鍾借海名之非真海也丘文莊曰自漢南越入中國始有南海然西海竟不知所在今祀東海於登州祀南海於廣州皆臨海而祭西海則望祀於蒲州北海則望祀於懷慶蓋因宋失幽燕無因至遼薊也今京師東北乃古碣石渤海之處於此立祠為宜滇之極西百夷之外聞有大海通西南島夷即西海也宜於雲南城望祀之

今中國之勢惟河與海環而抱之河源出崑崙星宿海蓋極西南之方其流北行經洮州又東北過寧夏出塞外始折而南入中國至砥柱折而東經中州至呂梁奔而入淮直抵海口海則從遼東北界迤邐而南經三吳甌閩折而西直抵安南

暹羅滇洱之界。蓋其西南盡處去星宿海亦不遠矣。西北想亦有大海環於地外。但中國之人耳目所不到耳。

十洲記扶桑在碧海之中。有太帝宮東海外。別有圓海。繞蓬萊山。海水正黑。謂之溟海。無風而洪波百丈。惟飛仙能到其處。

淮南子。正土之氣御乎埃。天五百歲生缺。缺五百歲生黃埃。黃埃五百歲生

黃頤。禾黃頤五百歲生黃金。黃金石名也。中央數五。故五百歲而一化。頤水銀也。黃金千歲生黃龍。黃龍入

藏生黃泉。黃泉之埃。上為黃雲。陰陽相薄為雷。激揚為電。上者就下。流水就通。而

合於黃海。中央偏土之氣。御乎青天。天八百歲生青曾。青曾八百歲生青頤。青

頤八百歲生青金。青金八百歲生青龍。東方木色。青其數八。青龍入藏生清泉。清

泉之埃。上為青雲。陰陽相薄為雷。激揚為電。上者就下。流水就通。而合於青海。東方

之壯土之氣。御於赤天。赤天七百歲生赤丹。赤丹七百歲生赤頤。赤頤七百歲生

赤金。火色。赤其數七。故七百歲而一化。赤金千歲生赤龍。赤龍入藏生赤泉。赤泉之埃。上為赤雲。

陰陽相薄為雷。激揚為電。上者就下。流水就通。而合於赤海。南方弱土之氣。御於

白天。白天九百歲生白礬。白礬九百歲生白頤。白頤九百歲生白金。白礬礬石也。西方金色白

其數九故九百歲而一化。白金千歲生白龍，白龍入藏生白泉，白泉之埃上為白雲，陰陽相薄為雷，激揚為電。上者就下流水，就通而合於白海。西方牝土之氣御於元天，元天六百歲生元砥。元砥，黑石也。元砥六百歲生元頊，元頊六百歲生元金。水色黑，其數六，故六百歲而一。化元金千歲生元龍，元龍入藏生元泉，元泉之埃上為元雲，陰陽相薄為雷，激揚為電。上者就下流水，就通而合於元海。北方

大江源委

江出岷山，其源實自蜀西戎萬山來，至嘉州，而末水自雋州合大渡河，穿夷界一山以會之，至叙州，而馬湖江會之，又十五里而南廣江會之，至瀘州，而內江又自資簡會之，至重慶，而嘉陵江自利閬果合等州會之，至涪州，而黔江合南夷諸水會之，至萬縣，而開江水自閬達等州會之，夫然後總而入峽，是江自峽而西，受大水凡八，及峽而下岳陽，則會之者洞庭湖，所受湖南北諸水也，又自是而下鄂渚，則會之者漢口，所受興元。恐作沔諸水也，又自是而下黃州，東四十五里，則會之者巴河也，又自是而下九江，則會之者彭蠡，今名鄱陽湖，所受湖東西諸郡水也，又自是而下，則會之者皖水，所受淮西諸水也，夫然後總而入海，是江自峽而東，又受大水凡五，略計天

下之水會於江者居天下之半其名稱之大而可考者凡十有三故曰江源其出如  
甕而能滔滔萬里達海所受者衆也

### 九江

張頌九江縣九江參差隨水勢而分其間有洲或長或短百里至五十里始別於鄂  
陵終會於江江一曰白鳥江二曰白蚌江三曰烏土江四曰嘉靡江五曰剛江六曰  
三里江七曰茵洲江八曰沙堤江九曰廩江說九江者一畝二白蠅三嘉靡四烏土  
五蚌六益七廩八沙堤九廩或以潯陽江有八洲一沙二人三九江四導五象六鳥  
七感八蚌曲折為九江按張勃吳錄岳之洞庭今之九江也水經注言九江在長沙  
國不雋縣西北楚池乃今岳之巴陵洞庭在其西北則九江為洞庭審矣考漢志東  
陵之向自有沈漸沅辰敘酉澧湘資九水皆言洞庭東入於江太史公云予登廬山  
觀禹迹九江口安得古之九江而觀之蓋自秦漢說者知潯陽為九江耳朱子文集  
漢史江陵新志更定一曰瀟江二曰湘江三曰蒸江四曰潁江五曰沅江六曰漸江  
七曰序江八曰辰江近方麓王氏又以為九江為洞庭禹貢至於澧過九江澧水出  
岳州即古巴陵江水過澧州始經洞庭之口戰國策秦與荆戰取洞庭五豬既有洞

庭又言五瀦則是九江既瀦九而為五又會五而為一九江皆入湖而洞庭之名始著九江五瀦之名隱矣

### 三江

禹貢曰三江既入諸注之說極多國語子胥曰三江環之民無所移韋昭注曰三江松江也錢塘也浦陽也秦語云越王擒之於三江之浦范蠡曰與我爭三江五湖之利者非吳與吳越春秋曰范蠡乘舟出三江之口越絕書云出三江之口入五湖之中蔡沈書傳主唐仲初吳都賦注松江下七十里分流東北入海為婁東南流者為東江並松江為三江張守節史記正義曰三江者在蘇州東南二十里名三江口一江西南上七十里至太湖名曰松江古笠澤江一江東南上七十里白蜆湖名曰上江亦曰東江一江東北下三百餘里入海名曰下江亦曰婁江於其分處號曰三江口顧夷吳地記云松江東北行七十里得三江口東北入海為婁江東南入海為東江並松江為三江是也周禮職方氏云揚州藪曰具區川曰三江按五湖二江者韋昭注非也其源俱不通太湖引解三江既入失之遠矣鄮山黃氏曰世之說三江者甚眾率於地理不合至稅安禮禹貢指掌圖一出指豫章九出彭蠡者為南江以足

經文中江北江之數其論始定然審如其說於震澤何關耶其曰曆丹陽毘陵入令大江者為北江首受蕪湖東至陽羨者為中江分於石城過宛陵入具區者為南江三江在震澤上下而皆入海其說似矣然丹陽毘陵之入江者特港脉一二詎應影附大江而謂之江而首蕪湖分石城之二水皆在震澤上流又何以入海言耶以今所見受震澤水東入於海者惟吳松一江不見其三也舊有安亭一江由青龍鎮入海間利者慮其走商稅塞之又有白蠅一江以通青龍今亦塞而耕稼之王半山送裴如晦出宰吳江詩曰當知耕牧地往往菱蒲青三江斷其二洪水何由寧豈禹三江之舊迹在是有可訪而復之者耶抑水之為水有源有委舊說具區三萬六千頃積之既多泄之已難矣熙寧八年旱太湖淺露見丘墓街井是昔為高原今為汚澤也湖之浸淫又不知其比舊增多幾千頃非源委之不究而致然也稅安禮蜀人指掌圖或謂東坡作非也楊用修曰按蔡沈黃震之說皆於下流求之名以地訛號隨世改恐非禹貢三江之說也曷於上流發源求之徐鉉注說文云江出岷山至楚都名南江至潯陽為九道名中江至南徐州今按當潯州名北江入海郭璞山海經注岷山大江所出也岷山南江水所出也岷山北江水所出也三江皆發源於蜀而注震澤

禹貢紀其源而及其委耳。豈區區為吳地記其瑣瑣改易不常之名乎。觀禹貢三江之說當以此意求之則予之言雖大禹復生不能易矣。又蜀之三江外水泯江自重慶上敘州嘉定州是也。中水沱江自瀘州上富順資簡是也。內水即流江自重慶上合州遂寧潼綿是也。宋劉裕遣朱齡石伐蜀寇譙一縱眾軍悉從外水取成都臧儔從中水取廣漢老弱乘高艦從內水向黃虎曰四川者則取岷江沱江黑水白水四大川為名耳。吳幼清曰漢水南入於江乃循江北峰東行為江之北而入於海。夫漢既入江與江混而為一而又曰東為北江似別為一水者蓋漢水源遠流大可亞於江兩相配匹故言朝宗於海必以江漢並稱蓋江之入海非獨江水實兼漢水江固為江漢亦為江漢得江之名而為北江江與彭蠡合流之後凡千四十里入海江之入於海也必曰為中江何也禹貢既以江漢為一瀆漢分江之半為北江則江不得專江之名當為南江然循南江而汭有彭蠡湖水若曰南江恐疑為指湖水而言以江水行於湖水漢水之間故曰中江也。

顧野王曰浙江發源東陽新安之間不與岷山之江相涉至錢塘入於海。



五湖之說有二周禮揚州其浸五湖范蠡云與我爭三江五湖之利者非吳耶史河渠書曰於吳則通渠三江五湖貨殖傳曰夫吳有三江五湖之利太史公自敘曰登姑蘇望五湖此五湖者即具區也其派有五故曰五湖一名震澤一名笠澤張勃吳錄云五湖者太湖之別名按太湖在湖州府城外十八里界於烏程長興之間其大三萬六千頃東西二百餘里南北一百二十里周五百里西北極於宣常東北極於蘇湖蓋浙西蒼雲與臨安廣德諸水散出凡七十二溪奔海不及則滯蓄於湖道三江入海禹貢謂之震澤周禮謂之具區左傳謂之笠澤其實一也雖環繞江南數郡其以之名州則獨吳興為然義興記太湖射湖貴湖陽湖洮湖為五湖鄺道元水經注謂長塘湖射貴湖上湖瀟湖太湖為五湖吳越春秋五湖貢湖游湖胥湖梅梁湖金鼎湖韋昭曰胥湖蠡湖洮湖瀟湖並太湖五張守節史記正義云菱湖游湖漠湖貢湖胥湖皆太湖東岸五灣為五湖虞翻云太湖水道五道謂之五湖東通長洲松江南通嘉興非溪西通宜興荆溪北通晉陵瀟湖西南通嘉興韭溪陸魯望云太湖上稟咸池五車之氣故一水而五名其名大同小異皆禹貢之所謂震澤也王勃文襟三江而帶五湖則總言南方之湖洞庭一也青草二也鄱陽三也彭蠡一名宮亭

湖卽禹貢滙澤四也太湖五也

嘉善有范蠡湖中有西施妝臺

青草湖湖南有青草山故名志稱青草湖一名巴丘湖北連洞庭南接湘漢東納汨羅之水又云洞庭南連青草西亘赤沙七八百里又謂之三湖

姑茂徐應秋君義父輯

天竺疆域

按杜氏通典云天竺後漢通焉即身毒國從月氏高附國以西南至西海東至盤起

皆身毒之地有別城數百城置長有別國數十國置王雖各小異而俱名身毒唐書天寶

初中天竺王尸羅暹多死國亂其臣阿羅那順篡立時右率衛府長史王元策奉使

至彼拒不得入乃擬吐蕃西鄰諸國兵破之降城五百八十餘所東天竺王尸鳩摩

送牛馬三萬犒軍更沒路國獻地圖譜則合漢書云捐毒國去長安九千八百里師

計五天竺之城蓋不止杜氏所謂數百而已古云捐毒即身毒身毒即天竺也續漢書云天竺即身毒在大月氏東南扶南傳云

伽尸國一名波羅奈奈一作祭國一名伽波羅奈斯國屬天竺竺法維佛國記云波羅奈

百八十里又釋道安西域志摩揭它傳云摩揭它一作摩伽陀屬中天竺王居拘闍

羅布羅城一曰俱蘇摩補羅一曰波吒釐城北瀕菴伽河又有烏荼亦屬天竺東距

勃律六百里西距蔚賓四百里有五城王居術普藥利城一曰普揭釐城東北有達

麗羅川即烏長舊地梁天監初天竺王屈多遣其臣竺羅達來貢羅達言其國臨大

江新陶源出崑崙分為五江總名恒水元魏書云南天竺國去代州三萬一千五百

里馬氏通考云。宋乾德三年。滄州僧道圓。自西域還。得佛舍利。及貝葉經四十夾。道圓自天福中往西域。在塗十二年。住五印度。凡六年。五印度。即五天竺也。太祖又問所曆風俗山川道里。一一能記。太平興國初。天竺僧施護。能以華言譯梵書。施護乃烏填曩國人。自言其國屬北印度。西行十二日。至乾陀國。又西行二十日。至曩識囉賀囉國。又西行十日。至嵐婆國。又西行十二日。至誠惹曩國。又西行至波斯國。得西海。自北印度行百二十日。至中印度。中印度西行三程。至阿囉尾國。又西行十二日。至末曩囉國。又西行十二日。至鉢賴野迦國。又西行六十日。至迦囉拏俱惹國。又西行二十日。至摩囉尾國。又西行二十日。至烏然尾國。又西行二十五日。至囉囉國。又西行四十日。至蘇囉茶國。又西行十一日。至西海。自中印度行六月程。至南印度。又西行九十日。至供迦拏國。又西行一月。至海。自南印度南行六月程。至南海。云雅熙中。衛州僧辭澣。自西域還。與婆羅門僧永世。波斯國外道有法術。阿里煙同。至京師。永世自言本國名利得國。王姓牙羅午得。名阿咭你縛王。妃曰摩訶你。其國東行經六月。至大食國。阿里煙自言本國王號黑衣。姓張。名哩沒。其國東行經六月。至婆羅門。又石湖范氏吳船錄云。乾德二年。詔沙門繼業姓王氏等三百人。往天竺求舍利。

及貝多葉。至開寶九年始歸。得涅槃經一函。四十二卷。繼業於每卷後分記西域行程。自階州出塞西行。由靈武西涼甘肅瓜沙等州入伊吾。高昌焉耆于闐疎勒大石諸國。度雪嶺。至布路沙國。又度大箇嶺雪山。至伽濕彌羅國。西登大山。有薩埵太子投崖飼虎處。遂至健他羅國。謂之中印土。即中印度又西至庶流波國。及左欄陀羅國。國有二寺。又西過四大國。至大曲女城。南臨滔牟河。北近恆河。塔廟甚多。而無僧尼。又西二程。有寶階故基。又西至波羅奈國。兩城相距五里。南臨恆河。又西北十許里。至鹿野苑。塔廟佛跡更多。南行十里。渡恆河。河南有大浮屠。自鹿野苑西至摩揭提國。館於漢寺。南與杖林山相對。山北有優波掬多石室。及塔廟故基。西南百里。孤山三峰。名雞足。是迦葉入定處。又西北百里。有菩提寶座城。四門相望。金剛座其中。東向。又東至尼連禪川。東岸有石柱。記佛舊事。自菩提座東南五里。至佛苦行處。又西三里。至三迦葉村。及板牛女池。金剛座之北門外。有師子園。伽藍又北五里。至伽耶城。又北十里。至伽耶山。是佛說寶雲經處。又自金剛座東北十五里。至正覺山。又東北三十里。至骨磨城。館於鰕羅寺。謂之南印土。諸國僧多居之。又東北四十里。至王舍城。東南五里。有降醉象塔。又東北登大山。有舍利子塔。臨澗有下馬迎風塔。山頂有大

塔廟是七佛說法處。山北平地。又有舍利本生塔。其北山半曰鷲峰。是佛說法華經處。山下即王舍城。城北山趾有溫泉二十餘井。又北有大寺。及加蘭陀竹園故跡。又東有阿羅半身舍利塔。溫泉西有平地。直南登山腹。有畢鉢羅窟。窟西有阿難證果塔。此去新王舍城八里。有樹提迦故宅。城其西有輪王塔。又北十五里。有那爛陀寺。寺之南北各有數十寺。門皆西向。其北有四佛座。又東北十五里。至烏巔頭寺。東北十里。至伽濕彌羅寺。寺南距漢寺八里許。自漢寺東行十二里。至却提希山。又東七十里。有鴿寺。西北五十里有支那西寺。古漢寺也。西北百里。至花氏城。育王故都也。自此渡河。至毗耶離城。有維摩方丈故跡。又至拘尸羅城。及多羅聚落。踰大山數重。至泥波羅國。又至磨逾里。過雪嶺。至三耶寺。由故道入階州。余謂通典繫舉天竺城國之數。而不言其鄰界。施護永世。阿里煙臺。祇以日月計程。而不備言所歷之國。繼業所記。僅述佛祖修行說法滅度之處。而五天竺之疆域。邈乎未及也。余又讀劉氏舊唐書。則謂天竺在首嶺西北。去月氏西南數千里。一名磨迦陀。又曰婆羅門。地方三萬餘里。其中分為五天竺。一曰中天竺。二曰東天竺。三曰南天竺。四曰西天竺。五曰北天竺。地各數千里。城邑各數百。南天竺際大海。北天竺距雪山。四周有山為壁。南面

一谷通為國門東天竺東際大海與扶南林邑相鄰但隔一小海耳西天竺與罽賓波斯接壤中天竺據四天竺之會其都城週迴七十餘里北臨禪連河南州異物志亦云天竺國地方三萬里尚佛道其國王城郭宮室皆雕文刻鏤唐書又云乾封三年五天竺皆來朝開元時北天竺來朝中天竺南天竺各遣使入貢蓋五天竺各有境上中國稱彼為西天而彼則自以中天竺為天地之中也及考大明一統志所載外夷諸國會典所載朝貢諸番與夫瀛涯勝覽海槎錄等書並無天竺國名故今時五天竺境土廣袤東西曰廣南北曰袤無得而詳焉

### 黃河源

河源在土蕃朵甘思西鄙有泉百餘泓或泉或潦小沮如散澳方可七八十里且泥淖溺不勝人跡逼觀弗克旁履高山下視燦若列星以故名火敦噶兒火敦譯言星宿也羣流奔湊近五七里匯二巨澤名阿刺噶兒自西徂東連屬吞噬廣輪馬行一日程迤邐東驚成川號赤賓河二三日程水西南來名亦里出合赤賓三四日程南來名忽蘭又水東南來名也里朮合流入赤賓其流窳大始名黃河然水清人可涉又一二日岐裂八九股名也孫幹論譯言九度通廣六七里馬亦可度又四五日程

水渾濁土人抱革囊乘馬過之民聚落糾木以象舟傅毛革以濟僅容兩人繼是兩山峽束廣踰一里二里或半里深巨測矣孕甘思東北鄙有大雪山名亦耳麻不莫刺其山最高譯言騰乞里塔即崑崙也山腹至頂皆雪冬夏不消自八九股水至崑崙崙行二十日程河行崑崙崙南半日程地又四五日程至地名濶即及濶提二地相屬又三日程地名哈刺別里赤兒四達之衝也崑崙迤西人簡少多處山南山皆不穹峻水亦散漫其東山益高地亦漸下岸狹隘有狐可以躍越之者行五六日程有水西南來名納鄰哈刺譯言細黃河也又兩日程水南來名乞兒馬出二水合流入河河北行轉西至崑崙北二日程地水過之北流少東又北流約行半月程至貴德州地名必赤里又四五日程至積石州即禹貢積石自發源至東地南北濶溪細流旁貫莫知紀極山皆草山石山至積石方林木暢茂世言河九折彼地有二折蓋乞兒馬出及貴德州必赤里也漢張騫使絕域歷大宛月氏等數國其旁大國五六皆稱傳聞以為窮河源烏能覩所謂河源哉史稱河有兩源一出于闐一出蔥嶺于闐水北行出蔥嶺河注蒲類海下流淤至臨洮出焉今洮水自南來非蒲類明矣詢之士人言于闐蔥嶺水其下流散之沙磧又有言河與天河通尋源得織女支機石以歸亦妄



也。經曰：敦薨之水西流，注於沕澤，出於崑崙之東北，陬實惟河源，而水經載河出崑崙經十餘國，乃至沕澤。山經又稱陽紆之山，河出其中；凌門之山，河出其中。穆天子傳亦云：陽紆之山，河伯馮夷所居。是惟河宗。釋氏西域志稱阿耨達大山上有大淵水，即崑崙山也。地理志亦稱崑崙山在臨羌西，而漢書載河出兩源，或稱有，或稱無，而河源所著異同，况世殊代易，終莫能究。我太祖二十有一年春正月，征西夏，夏取甘肅等城，秋取西涼府，遂過沙陀至黃河九渡。按崑崙當九渡下流，則崑崙固已歸我職方氏矣。憲宗二年，命皇太弟旭烈帥諸部軍征西域，凡六年，闕封疆四萬里，於是河源及所注枝出者盡在封域內。逮世祖皇帝，遂命臣都實置郡河源，乃知更崑崙崙行一月始窮其源。

華山有仙人掌峰，相傳黃河出積石過龍門，至此連山壅塞，巨靈以掌劈其中，使北為首陽，南為太華，黃河始通。

#### 四瀆

說苑四瀆，何以視諸侯能蕩滌垢濁，為能通百川於海焉。能出雲雨千里焉，為施甚大。故視諸侯也。中國之水，淮以北，河為大，而淝也，潁也，汴也，汶也，泗也，衛也，漳也，濟

也。潯也。滹沱也。滌也。沁也。洮也。渭也。皆附於河者也。淮以南。江為大。而吳也。越也。錢塘也。曹娥也。螺女也。章貢也。漢也。湘也。賀也。左蠡也。富良也。瀾滄也。皆附於江者也。至其支流。小派。北以河名。而南以江名者。尚不可勝計。而淮界其中。導南北之流。而會以入海。故謂之淮。淮者。滙也。四瀆之尊。淮視江河。漢大小懸絕。而與並列者。以其界南北。而別江河也。唐會要。禎德三年十月。上登東都。至濮陽。問許敬宗曰。濟水微細。而稱瀆。何也。對曰。爾雅。瀆者。獨也。言不因餘水。能獨赴海故也。且天有五星。運而為四時。地有五嶽。流而為四瀆。人有五事。運而為四支。五陽數。四陰數也。陽者。光耀。陰者。晦昧。故星辰潛伏。而難見。濟水潛流。而難絕。狀雖微細。其尊等也。李氏曰。四瀆。惟江最大。發於岷。經夔州。達揚。而入於海。自蜀而言。江之外。其水有七。出於絲之神泉。曰綿水。出於什邡之章洛山。曰洛水。分流於永康之湔。曰湔水。餘水自絲竹紫巖山。過德陽。洛水自什邡入。雒湔水過導江。崇宇九隴。濛陽亦入。雒。三水皆合於雒。自雒。過懷好。簡資。富順。至瀘。與江水會。總曰內水。發源於江源之清川。過餘潼。遂東至合。曰涪水。發源於沔之青泥巖。過大安。利闌。果。至於涪水。會曰嘉陵水。發源於小巴嶺。過巴蓬。之伏虞。西南以至於渠。曰巴水。出萬頃池。過明通。至渠。與巴水合。曰渠水。

巴渠二水既合。過廣安新明。至於嘉陵。與涪水會。以達於渝。而江水始大。此七水與江別合之大略也。若分流出夷。徼入中國。以附於江者。三曰青衣。曰羊山。曰馬瑚。青衣出來山。過嚴道。洪雅。夾江而下。羊山出鐵豹嶺。過漢源。出嘉定之南。與青衣合入於江。馬瑚自夷都流至敘。亦入於江。又有出於郡邑之山。澤者。則自岷峨而下。沿流以至於夔。不勝其衆也。

淮南子。何謂六水。曰河水。赤水。遼水。黑水。江水。淮水。

### 須彌山

須彌山。秦言妙高道。經曰。人鳥山。又名元圃山。或曰大地金根山。本無妙元山。元氣寶洞山。神元七轉觀天山。又曰鐵圍山。翻譯山名。砍伽羅。一曰柘伽羅。應法師曰。此翻輪山。舊云鐵圍法苑珠林。須彌為帝釋所居。鐵圍為藩垣之城。蓋此山佛經之名。有三道。經之名有五。總之中國所謂崑崙也。十洲記曰。山有三角。其一角正於北辰。曰閻風顛。一正西。元圃臺。一正東。名崑崙宮。有五城十二樓。人鳥經曰。山廣三百六十億萬里。自然七寶宮殿。為天始天尊治。按因本經。稱須彌山頂為帝釋天所居。入海中。出水上。各八萬四千由旬。下根連大金輪山。頂四而峰挺出。各高七百由旬。金

銀琉璃玻璃珍珠車渠碼碯之所莊投日天宮殿繞須彌半常行不息南閻浮提日正中時東拂提日始沒西瞿陀尼日將出北鬱單越正夜半然其上復有諸天道經所稱人鳥山在諸天最尊處似不同也須彌山半四萬二千由旬有四天王天須彌山頂為帝釋天上一倍為夜摩天上為兜率陀天凡三十三天中央城曰善見純金所成高一由旬半面各二千五百由旬周萬由旬其城體金俱用百一雜寶嚴飾其地柔軟如兜羅綿是城四面有一萬六千寶柱寶椽寶椽寶簷四面四門又有千數門四門側五百天子皆堅服鎧守護是門城中有帝釋殿曰殊勝殿四方高四百由旬半面各二百五十由旬周千由旬善見東北有如意樹名波利閻多亦名圓生樹根深五十由旬高百由旬條支旁布五十由旬能施欲樂下有盤石曰阿嚩摩麗歌色白如氈面各五十由旬周三百由旬又七寶山者佉提羅迦山高四萬二千由旬次伊沙陀羅山高二萬一千由旬次善見山高六千由旬次馮半頭山高三千由旬次尼民陀羅山高一千二百由旬次毗却耶迦山高二百由旬以上廣如高七寶所成起世經四洲地心即是須彌山山外別有八山其鹹海廣於無際海外有山即大鐵圍山四周圍輪其須彌山佉提羅迦山二間關八萬四千由旬周匝無量有優鉢

羅花鉢頭摩花拘牟陀花奔茶利迦花等遍覆水上外有七海州重林西域記蘇迷  
盧云唐言妙高舊曰須彌法苑珠林三千大千世界之中四天下以蘇迷盧山為中  
因本經其山四寶合成在大海中據金輪山日月之所迴泊諸天之所游舍七山七  
海環峙環列四面各有一色東黃金南琉璃西白銀北玻璃隨其方而水同山色毗曇  
俱舍云妙高七寶所成故名妙出七金山故名高淮南子崑崙有增城九重其高萬  
一千里百一十四步二尺六寸上有木禾其修五尋珠樹玉樹旋樹不死樹在其西  
沙棠琅玕在其東絳樹在其南碧樹瑤樹在其北爰有四百四十門間四里旁有九  
井玉橫維其西北之隅橫或作彭受不死藥器也北門開以內不周之風傾宮旋室縣圖涼風樊  
桐在崑崙閭闔之中是其疏圃疏圃之池浸之黃水黃水三周其原是謂丹水飲之  
不死赤水出其東南馭西南注南海丹澤之東赤水之東弱水入於流沙洋水出其  
西北馭入於南海羽民之南

沃焦山

物類相感志曰沃焦山東海之外荒海中有三焦炎而峙高深莫測蓋稟至陽之為  
質也海水激浪投其上噲焉而盡計其晝夜噲攝無極若熬鼎受其灑汗耳此道家

之說無是山也。四海受百川之漲，必然洶湧而溢也。莊子：天下之水，莫大於海，萬川歸之，不知何時止而不盈；尾閭洩之，不知何時已而不虛。疏曰：沃焦山在碧海之東，有石潤四萬里，厚四萬里，居百川之下，海水注者，無不焦盡，故名沃焦。又名尾閭。佛藏云：大海有石，其名曰焦，萬流沃之，至石皆竭。所以大海初不增長。元中記：天下之强者，東海之惡焦焉。海水灌之而即消。吳融有沃焦山賦。山海經：堯時十日並出，堯使羿射九日，落為沃焦。華嚴經：海有盡無餘之寶，能縮所注，故無增減。及娑竭龍宮水湧出有時，是故潮不失時。夷堅志：寧海縣東海中有尾閭，與海門馬筋相直，自高山望之，其水湍急，陷為大渦者十餘。凡浮物近之，則沉。舊傳東海泄水處。

魯國卞縣有漏陂，亦謂之陷澤。其水將漏，即有聲聞四遠。若風雨之聚，先回旋若渦勢，然後淪入於穴，莫知其趨向。及穴之淺深，列子：渤海之東，不知幾億萬里有大壑焉，實惟無底之谷，名曰歸墟。八紘九野之水，天漢之流，莫不注之，而無增無減焉。柳子曰：東窮歸墟，又環西盈，墳墟燥，疏滲渴而升，充融有餘，漏泄復行。

### 宛委山

吳越春秋：禹按黃帝中經，見聖記在九疑天柱，號曰宛委，承以文玉，覆以磐石。其書

金簡玉字。禹乃南巡。登衡嶽。宛委山。得治水之記。今岫嶼山。有禹科蚪碑。向藏地中。韓退之劉夢得。並有禹碑詩。皆聞而不及見。國朝嘉靖初。有人掘地得碑。遂摹搨傳世。楊用修沈鎰。各有釋文。湛原明有跋。徐靈期南嶽記云。夏禹導水通瀆。刻石書名山之高。即此碑也。集仙錄雲華巫山神名告禹曰。太上愍汝之志。將授靈寶之文。陸策虎豹水制蛟龍。馘邪檢山。以成汝功。因授上清寶文。又得庚辰虞余之助。益稷字遂導流決川。奠五嶽。別九州。天錫元圭。以為紫庭真人。而馬永卿於宋紹興十七年。過巫山。撰神女廟記。亦稱禹得王篆之書。開山疏水。無不如志。又李佐於漢永和九年。泛洞庭。登包山。入靈洞。得古岳瀆經第八卷。竒字靈毀。不能解。譙允南周解云。禹治淮水。三至桐柏山。驚風迅雷。石號木鳴。土伯擁川。天老肅兵。功不能興。禹怒。召百靈。授命。夔龍桐柏十君。長稽首請命。禹因囚鴻蒙氏。彭高氏。兜氏。盧氏。犁婁氏。乃獲淮渦水神。無支祈。無支祈水神名善應對。言語形若猿猴。縮鼻高額。青軀白首。金目雪牙。頸伸百尺。力逾九象。搏擊騰越。疾利倏忽。視不可久。禹授之童律。童律不能制。授之烏木田。烏木田不能制。授之庚辰。庚辰能制。鵠脾柏胡木。魁水靈山。妖石怪奔。號叢繞者。以千數。庚辰持戟。遂去。頸鎖大械。鼻穿金鈴。徙之淮陰。龜山之足。俾淮水永安。而釋氏以為泗

州僧加之所降水母者羅長源嘗辨其非矣大哉神禹之力世儒不得聞其槩今之

黃冠履斗罡戟指書空者輒稱禹步禹訣焉諸葛孔明黃陵廟記云僕總師趨蜀道

見石壁間神像宛然如畫前豎一旌旗右駐一黃犢猶有董工開導之勢古傳所載

黃龍助禹開江治水不誣也夫世人有道術者亦能制蛟螭之怪如許敬之遊斬蛟

之蹟顯著楚中姑亡論而襄陽耆舊傳城北沔水有蛟患鄧遐守襄拔劍入水斬之

遂無蛟患潯陽記城東橋水有蛟董奉書符呪水即見蛟死又原化記種園張老以

法禁龍荆湘僧居近水有龍時挾雷雨出入種園張老者術士也頃此龍損物密禁

救之願酬一寶珠僧如其言以告張老曰和尙勿教此龍若受其珠後裴劍傳奇

西域異僧金剛仙能攝龍於瓶中開成初僧金剛仙西域人居清遠峽山寺能梵音

竺乃於峽山潭畔搖錫而呪水開見底以瓶張之有一泥銀長三寸許躍入瓶中語

寺僧曰此龍也吾至海門以藥煮為膏塗及則渡海若履平地是夜龍王化白衣叟

持黃金百兩以餽寺僧懇請捨其况神禹乎讀禹穴紀異及墉城集大禹治水元粵

龍金剛仙顛鉢於潭從船而歸錄皆言禹導岷山至於峽中實為上古鬼神龍蟒之宅見禹至護惜巢穴作為妖怪

風沙晝暝迷失道路禹乃仰空而嘆俄見神人狀類天女授禹太上先天召呼萬靈

玉篆之書且使其臣狂章黃麾大醫童律為禹助禹於是呼吸風雷役使鬼神驅逐



龍蟬始能治水異哉此禹之所以稱神也古有秦龍氏御龍氏蓋以馴龍得姓左傳蔡墨對魏獻子甚詳而周禮秋官有壺涿氏其職主於殺水神死則淵為陵又抱朴子西域方士能禹步吹炁龍即浮出十餘丈更吹之輒縮至數寸撮取入壺遇旱發龍入潭又禹步吹之復長十數丈北齊書云晉陽有人明法術曰我本恆岳仙人謫至此汾水暴漲禹步投符水流便絕此或神禹之遺法也

### 玉京洞

廣輿記天台玉京洞許邁嘗隱於此嘗聞上有櫓聲或云是江底洞也又秦和有清水巖廣可容數百人深不可測有人進穴約十餘里聞撒網聲懼而出建寧有漁人沒潭中見石室金字匾曰玉清洞一童子出曰此司命真君之府括異志永興橋之西陸氏宅有大井不知何年所鑿面闊數尺其深不可測雖大旱不涸其下可以轉篤時時於其中有浮萍及破碎蒲帆浮起不知何來古來相傳此下通大海豈海水伏地中從此過耶南昌府西有秦人洞有人秉炬入洞約可五里忽豁然開朗一水橫絕不可渡遙望桑麻芄芄若有居室又府治西南有生米潭有捕魚者投其中不覺行至石門見一老翁曰此非所宜來漁人駭而登岸入水已三日故老謂此即西

山天寶洞南門也。廣信鬼谷洞可容數千人。旁有一洞口甚狹小。有人入見林水室。虛儼如村落。華山雲臺峰下有穴。相傳有人入穴中。東出方山。云經黃河底上。聞有流水聲。其峰上有玉女窗。即明星玉女之別館也。圖經陵州鹽井。井底有靈。不得以火投。及汙穢。曾有汲水誤以火墜。即大乳沸湧。煙氣衝上。或云泉脉通東海。時有敗船木浮出。天寶中。遣道士祭羅浮朱明洞。時見一洞垂一人。下約五丈餘。却出云。下視西底。日月星辰無不具備。震澤中洞庭山南有洞穴。深百餘尺。仰公馳誤墮洞中。旁行升降五十餘里。至一龍宮。晝夜光明。遇守門小蛟。張鱗奮爪。拒之不得入。公馳在洞百有餘日。食青泥。味若粳米。忽得歸路。尋出。乃具事聞梁帝。帝問杰。公曰。此洞穴有四枝。一通洞庭湖西岸。一通蜀道青衣浦北岸。一通羅浮兩山間。穴谿。一通枯桑島東岸。蓋東海龍王第七女。掌龍王珠。藏小龍千數。衛護此珠。龍畏熾愛。美玉及空青。而嗜燕。若遣使往。可得寶珠。洛中有洞穴。深不可測。有人誤墮穴中。因行數里。覺所踐如塵。聞米香。即裹以為糧。復前行。遇如泥者。味似白麩。又齋以去久之。漸覺明曠。見有宮殿。人物人皆長三尺。被羽衣。便告請求。哀長人語。令前去。凡遇如此者。九處最後所至。苦告饑餒。長人指中庭大柏樹。近百圍。下有一羊。令跪。將羊鬚。初得一

珠。長人取之。次將亦取。後將令啗食。即得療饑。請問九處之名。答曰。問張華當悉此人。便復隨穴而行。遂得出。交郡往還六七年間。即歸洛。問華以所得二物視之。華云。如塵者是。黃河龍涎泥。是崑山下泥。九處地仙名九館。羊為癡龍。其初一珠食之。與天地等壽。次者延年。後者充饑而已。酉陽雜俎。唐開成末。永興坊百姓王乙。掘井。過常井一丈餘。無水。忽聽向下有人語。及雞聲甚喧鬧。近似隔壁。井匠懼不敢擾。遽令塞之。烏山下無水。魏末有人掘井五丈。得一石。亟復掘三丈。水流洶洶。俄有一船觸石船上。得一杉板。刻字曰。吳赤烏二年。武昌王子義之船。稽神錄。江夏有林主簿。所愛一女。好食雞。里胥日供雙雞。一日將殺雞。雞走入舍北枯井中。女亦逐之。入井。遂不見。林自往亦不出。俄井中黑氣上騰。有屠者請入視之。但見大釜。湯沸火熾。久之氣息。井中得雞骨一具。人骨二具。建州魏使君宅。有大井。淤塞。軍人浚之。入者二人。皆卒。尸亦不獲。有一人請入。以繩縋引繩。即亟出之。既入。忽引繩出之。已如癡矣。良久乃能言云。既入井。但見城郭井邑。人物甚眾。其主曰。李將軍機務鞅掌。府署甚盛。懼而遽出。竟不獲二尸。括異志。葵源公山二洞有穴。咸通末。有道士以繩縋下百餘丈。傍有穴。往視之路窮。水阻。隔岸有花木二道。士對棋。使一童子刺船而至。問欲渡否。曰。當

還復攀繩而出。明日石筍塞其口。自是無復入者。神仙感遇傳。河東薛逢夢入洞府。有人曰。此天倉也。及明。話於賓友。或曰。綿州界昌明縣有天倉洞。即使道士孫靈諷與親吏訪焉。入洞可十餘里。漸明朗。又三五里。豁然與人世無異。崖室極廣。可容千人。有石牀。羅列飲食甚多。皆新熟甘美。靈諷拜而食之。洞中堆鹽積豉。不知記極。又行一二里。溪水迅急。隔溪見山川。居第歷歷。不敢渡而止。攜食物出洞門。皆化為石。又與地志。少室山有自然。五穀神芝仙藥。周太子晉學道上仙。有九十年資糧。留於山中。又石室中有自然經書。自然飲食。又天台山東有洞八十里。中有居人市肆。乾符中有游僧入洞。經歷市中。聞食者。買蒸啗之。一僧服氣不食。行十餘里出洞門。已。是青州牟平縣。而食僧俄變為石。博異志。神龍元。潞州竹山縣陰隱客家穿井二年。已深二十餘丈。而無水。工人忽聞地中雞犬鳥雀聲。更鑿數尺。旁一石穴。人入探之。初捫壁傍行。下連一山。乃下山。正立。而視別一天地。日月世界。其山傍向萬仞。千岩萬壑。莫非靈景。水盡碧琉璃色。每岩壑中。皆有金銀宮闕。有大樹。身如竹。有節葉如芭蕉。又有紫花如盤。五色蛺蝶。翅大如扇。五色鳥大如鶴。闕前署曰天桂山宮。以銀字書之。乃梯仙國也。

水品井味鹽色綠者其源通海。舊云東風時鑿井則通海脉。理或然也。莆田壺公山絕頂有蟹井其脉通海。視潮盈縮。

### 佛晷水銀海

梁四公傳。西海中有島。島上有大林。林皆寶樹。中有萬餘家。其人皆巧。能造寶器。所謂拂林國也。島西北有坑。盤坳深千餘尺。以肉投之。鳥銜寶出。大者重五斤。彼云是色界天王之寶藏。朱澤民異域記。景祐間有佛晷國來朝。備言其國當日沒之處。土地甚廣。有七十二箇長。地有水銀海。周回可四五十里。國人取之之法。先於近海十里掘坑。井數十。然後使健夫駿馬。馳驟可逐飛雁者。人馬皆貼以金箔。迤邐行近海。日照金光晃耀。則水銀滾沸。如潮而來。勢若粘裹。其人即而有疾。馳水銀隨後趕至。行稍遲緩。則人馬俱為水銀攔沒。人馬既迴。連於是水銀之勢漸遠。力漸微。却復奔迴。遇坑井。則水銀溜積其中。然後其國人取之。用香草同煎。皆化水銀。神異經。西方日宮之外。有山長十餘里。廣二三里。高百餘丈。其山皆黃金。不雜土石。不生草木。上有金人。高五丈。名曰金犀。入山下一丈有銀。又入一丈有錫。又入一丈有鉛。又入一丈有丹陽銅。西國行傳。由吐蕃雪山南界至屈露多。悉力等國。從此驛行。可以九日。

有一寶山。悉是黃金。

于闐玉河

晉天福中。高居誨使于闐。記于闐玉河。其源出崑崙山。西流一千三百里。至于闐界。牛頭山乃流三河。一曰黃玉河。一曰綠玉河。一曰烏玉河。其源則一。其玉則隨地而變。每五六月大水。玉隨流而至。玉之多寡。由水之大小。八月水退。始可取。國人謂之撈玉。玉分五色。惟青碧一色。高下至多端。其國之法。官未採玉。禁人輒至河濱。又西域記于闐玉池。國人夜視月光。盛必得美玉。常以端午日。玉親往取之。每得玉一團。則以一團石投之。西域賈胡言海中玉將出時。光浮海面。焯然有光。繼而近岸。土人以物迫之。即圓轉入崖土中。掘四五尺許。始得玉。張世南遊宦紀聞。玉出藍田。崑崙今藍田。不聞有玉。本朝禮器及乘輿服御。多是于闐玉。大觀中。漆創八寶。從于闐求大玉。後果得厚大踰二尺。色如截肪者。寧和殿有玉等子。以諸色玉次第排定。凡玉至此之。高下自見。南村輟畊錄。丞相伯顏嘗至于闐。於其國中鑿井。得一玉佛。高三四尺。色如截肪。照之皆見筋骨脈絡。即貢上方。又有一段白玉。高六尺。濶五尺。長十七步。以重不可致。抱朴子。玉亦仙藥。玉經曰。服金者壽如金。服玉者壽如玉。又曰。服

元真者。其命不極。元真者。玉之別名也。得于闐國白玉尤善。其次有南陽徐善亭部界中玉。及日南盧容水中玉亦佳。玉可以烏米酒及地榆酒化為水。以蔥漿消為粘赤松子。以玄蟲血漬玉為水。能乘煙上下。又白民國人。白如玉國中無五穀。惟種玉食之。或推為屑。采近地樹葉同食之。玉得葉即柔軟。味甘而肥。宴客則以膏露浸玉屑。少選便成美酒。飲一升。醉三年始醒。

### 潮汐

謝在杭云。天下海潮之來。皆以漸次。余家海濱。每乘潮汐渡江。舟中初不覺也。鹽官潮來。則稍拍岸。激石成聲。與長溪松下潮相似。錢塘則不然。初望之一片青氣。稍近則茫茫白色。其聲如雷。其勢如山。吼擲狂奔。一瞬至岸。如崩山倒屋之狀。三躍而定。則橫江千里。水天一色矣。近岸一帶人居。潮至。浪花直噴屋上。簷溜倒傾。若驟雨初觀之。亦令人心悸。按浙江一名錢塘江。一名羅刹江。所謂羅刹者。江心有石。即秦望山脚。橫截波濤中。船至此多傾覆也。漢東宣伯聚先生常作浙江潮候圖。說曰。大江而東。凡水之入於海者。無不通潮。而浙江之潮。獨為天下奇觀。地勢然也。浙江之江。有兩山焉。其南曰龕山。北曰顏山。並峙於江海之會。謂之海門。下有沙潭。跨江東西。

三百餘里。若伏檻然。潮入於浙江也。發乎浩渺之區。而頓就歛束。逼迫回薄。激射於兩山之間。拗怒不洩。則奮而上躋。如素蛇橫空。奔雷殷地。觀者膽掉心怖。故為東南之至險。非他江之可同也。原其消長之故。山海經以為海鱗之出入。浮屠書以為神龍之變化。海嶠志以為隨月盈虧。竇叔蒙海濤志以朝夕作濤。必待於月。月與海相推。海與月相明。東海漁翁海潮論謂地浮而大海。隨氣出入。上下地。下則滄海之水。入於江而為潮。地上則江河之水。入於海而為汐。浙江江水少。海水多。故其潮特大。王充論衡以為水者地之血脉。隨氣進退而為潮。高麗錄天包水。水乘地而元氣升降其中。地乘水力以自持。且與元氣升降。互為抑揚而不覺耳。其他或曰天河激湧。或曰地機翕張。揆其晨夕之候。曰依陰而附陽。曰隨日而應月。地志濤經言殊旨異。胡可得而一哉。蓋圓則之運。大氣舉之方儀。之靜。大水承之。氣有升降。地有浮沉。而潮汐生焉。氣升地沉。則水溢而為潮。氣降地浮。則水縮而為汐。月有盈虛。潮有起伏。故盈於朔望。虛於兩弦。息於朏魄。消於朏魄。而大小準焉。月為陰精。水之所生日為陽宗。水之所從。故晝潮之期。日常加子。夜潮之候。月必在午。而晷刻定焉。卯酉之月。陰陽之交。故潮大於餘月。大梁折水河漢之津也。朔望之後。天地之變。故潮大於



餘日寒暑之大建丑未也一晦一明再潮再沒一朔一望再虛再盈天一地二之道也月經於上水緯於下進退消長相為生成歷數可推毫釐不爽斯天地之至信也晝潮大於春夏夜潮大於秋冬潮之極漲常在春秋之中潮之極大常在朔望之日大抵潮之消長每日而移一時潮之大小八日而經一變每歲則卯酉二月皆大而酉戌二月為尤大凡江浙欽廉之潮皆有定候瓊海之潮半月東流半月西流潮之大小隨長短星不俟月之盛衰閩人古潮方言初一十五潮滿正午初八廿三滿在早晚初三廿五潮平日暮又有水醒水忌每月初一三十日初二初三四五六水醒至初七平交十五水醒至十六十七十八十九二十日水俱醒二十一日水平如前水醒則流勢甚急船身不敢偏東水平則船身不可偏西

按丘處機云海潮人皆言因月唐盧肇獨言因日余游海上詢其故老月初出則潮初上月卓午則潮滿月西轉則潮漸退月沒則潮退盡北方月出則潮復上斗北月中則潮滿月東轉則潮漸退月沒則潮退盡盧言日是太陽水是純陰日西入地時陰避太陽東海潮上日出時水乃西流東海潮下且箭之急疾晝夜不能行萬里如何海之深濶洪波蕩漾日夜能行數萬里乎又肇之所言晝夜方是一

潮知聲不曾海上游行耳

玄覽潮以朔望之前三日而漸長朔望之後三日而極大臨海望以前晝潮望以後夜潮車海望以前夜潮望以後晝潮南海上弦以前晝潮上弦以後夜潮凡晝潮自朔望迭差入於夜夜潮日朔後迭差入於晝

### 龍王宅

孫公談圃宋楊康國錢勰使高麗豐稷為楊掌牋表言東海洋龍宮之寶藏所也濃氣厚霧雖無風亦有巨浪使人卧木匣中雖蕩而身不搖食物盡吐惟飲少漿舟前見大龜如屋兩目如炬燭光耀沙上舟人以此卜之則見無虞也杜光庭錄異記海龍王宅在荊州東入海五六日程小島之前闊百餘里四面海水粘濁此水清無風而浪高數丈舟船不敢輒近每大潮水漫沒其上不見此浪船則得過夜中遠望見此水上紅光如日方百餘里上與天連人相傳龍王宮在其下矣海槎餘錄貞觀中遣新州刺史高表仁持節至倭國在大海中浮海數月方至自云路經地獄門其上氣色暫鬱聞叫號鋸之聲甚可畏懼唐會要崖州海外有鬼哭灘極怪異舟至則沒頭隻手獨足短禿鬼百十爭互為羣來趕舟人以米飯頻頻投之即止未聞有害人

者續墨客揮犀李仲游承議知同安縣有一人泛海舟交易外國經歲始還云為大風飄至一島嶼時月正明見十數人自海連臂而出登嶼笑語語不可解體貌與人無異但裸形耳舟人鳴鑼鼓以駭之復連臂大笑入海而去近嶼人云此名海人室在嶼下

### 送女潮

吳越春秋吳王賜子胥屬鏤之劍乃盛以鷓夷之皮投之江中子胥因隨流揚波依潮往來前潮水者子胥後潮水者文種也又錄異記廬州城內淝河峰上亦有子胥廟每朝暮潮時淝河之水亦鼓怒而起至其廟前高一尺廣十餘步食頃乃定西吳記長興吳山下有溪名吳山灣昔吳王送女至此有潮高三尺倒流七十里名吳王送女潮圖經苕溪在餘杭夾峰多苕花因得名相傳古有尹公者善推候有異術鄉人王氏有女美質尹公求之不得叱水成潮以溺其居至今日暮則風生水長數寸號為尹公潮然則子胥之潮不止錢塘而激水成潮亦不但子胥矣岳陽風土記荆江出巴蜀自高注下濁流洶湧夏秋暴漲則逆泛洞庭滿湘清流頓皆混冲岳人謂之翻流水南至青草湖或三五日乃還俗云水神朝君山

阿耨達池

大藏西域記云。阿耨達池在香山之南。大雪山北。周八百里。東南流入海者。曰旃伽河。西南流入海者。曰縛芻河。北流入海者。曰徙多河。又潛流地下。出積石山。東北流入海者。為中國之河源。阿耨達。華言無煩惱。似指所謂星宿海者。旃伽。華言天堂。縛芻。華言青徙多。華言冷。阿耨池一名芻叉。從琉璃馬口出。象教皮編曰。旃伽河。天堂河也。一曰恆伽河。此河從天堂而來。恆河東面。金象口而出。流入東海。信度河。驗河也。從阿耨池南面。銀牛口而出。流入南海。徙多河。冷河也。一曰芻叉河。從阿耨池西面。琉璃馬口而出。流入西海。縛芻河。清河也。一曰博叉河。從阿耨池北面。頗黎獅子口而出。流入北海。

蜀都火井

博物志。火井在蜀都。縱廣五尺。深二三丈。時以竹木投之。以取火。諸葛丞相往觀。後火轉盛熱。以盆着井上。煮之得鹽。後人以家燭火投井中。即滅息。至今不復然。游宦餘談。火井在雲臺山。東五里。火自井出。周圍有灶數十。居民各以竹刺其中。引火至灶。鍋滾而竹不然。觀者不敢近井。葬火時一噴。輒及數丈。不用時。以物蓋之。用時去蓋。

投火少許。即騰騰燄上至井。近井數十家。擅其利云。華陽國志。火井。夜時光映上照。民欲其火。先以家火投之。頃許如雷。火燄出。通耀數十里。以竹筒盛其光。藏之。可拽行。終日不滅。井有二水。取井火煮之一。混水得五斛鹽。家火煮之。無幾也。隋置火井縣。舊史。袁天罡為火井令。又蓬溪縣志。載覆龍山有火井。尹王良謨至其地。問之上人。試即一地。掘尺許。便水泉湧出如沸。少選漸盛。火燁燁浮水面。以火引之。即燃。潼川火井。穴地而注。若池。以火引之。少頃交熾。夏月積水。則燄生水上。水沸而寒如故。王子年拾遺記。西海之西。有浮玉山。山下有穴。穴中有火。其色如水波濤。灌蕩而光不滅。名曰陰火。水經注。大同西溪水。導源火山。山有火井。南北七十步。廣減尺許。深不見底。炎熱上升。常若雷霆發響。以草罾之。則煙騰火發。亦名熒臺。郡國志。邢州尚書房車井地。周百餘步。其地人馬行。土轟作雷聲。掘之。即火出。漢書注。西河鴻門縣。有天封苑火井祠。火從地中出。九國志。楊渭武義二年冬十月。濬東塘之楊林。江水出火。可以燃物。楊用修曰。火井在蜀之臨邛。今嘉定。捷為有之。其泉皆油。葬之。則然。人取為燭燈。水涸。則土上有燄。觀者至焚其裾。老學庵筆記。吳中卑薄。劇地二三尺。輒見水。予項在南鄭。見一軍較。火山軍人也。言火山之南。地尤枯瘠。鋤鑿所及。烈燄應手。

涌出故以火名。尤異也。宋魯應龍括異記：嘉禾志：顧亭林菴中有忠烈公祠，近歲忽地裂數尺，中有風濤聲，以物探之，應手火起。孝成河平八年丙申，山陽火生石中。集異記：晉穆帝昇平三年二月，京州城東池中有火。四年四月，姑臧水中又有火。劉勰新論：水性宜冷，而有華陽之溫泉，火性宜熱，而有蕭丘之寒燄。按蕭丘在海中，有自生火，春起秋滅，着木不焚。又李元陽洱海記：言夜見水面火高數丈，問人曰：陰火也。霏雪錄：洪武丁卯，會稽王家堰夜大雨，水暴至，死者十四五。水上有火萬炬，咸以為鬼，予嘗詢於習海事者，曰：鹹水夜動則有光，蓋海水為風雨所擊，故其光如火耳。

### 水火池

王元策西國傳：泥婆羅國西南至頗羅渡來村，東坎下有水火池，將家火炤之，即有火焰從水中出，以水沃之，其焰轉熾。漢使曾於池架釜炊飯，得熟，彼人云：曾經以杖刺着釜匱，令人挽出，不可得，相傳是彌勒佛當來成道天冠金火龍守之。此池火是火龍之火也。

### 廣成化城

三小水牘。汝州臨汝縣廣成城，有小山曰崆峒，若三春九秋。天景清麗，必有素霧，自

巴起須臾粉堞青堯彌亘數里樓殿軫輻草木煥爛數息中霧勢漫散不復見矣俗名  
廣成化城皇甕趙閻子墓在臨水界上塚上氣成樓臺之狀恩縣白馬營在縣西十  
五里相傳為唐時故鎮二三里外夏秋之際侵晨望之如城郭掩映林木翁鬱日出  
即不見每歲約數次汶上縣西南周廻三十里每秋水泛漲一望無際遙視村落  
煙波杳藹中又常有城樓人馬之狀出於水上謂之水市闌亭在南旺湖中水際時  
見煙雲樓臺之狀靈壁縣沫溝湖天色晦暝之際隱隱有城屋狀霍丘縣大業陂天  
晴日霽陂中或見城郭之影東阿縣桃城鋪鋪旁一丘高可數仞每陰雨後煙霧中  
隱隱有市井車馬之形錄異記益水在淇陽縣治去長沙三百里東望時見長沙城  
隍人馬形色悉可審辨或停覽矚移晷乃滅封禪儀光武封禪居亭山百官布野時  
山上雲氣成宮闕百官皆見之漢武遣方士徐宣浮海採藥於波中見漢家樓觀參  
差公侯第宅滿目班超在渾邪國平日雲霞鮮朗忽見天際宮闕館宇嚴列侍臣左  
右悉如漢家斯並山川之靈蹟也

金波寶鏡

朱晦翁廬山紀行詩須斯莫雲合白日無餘暉金波從地湧寶鏡穿林飛又有觀野

燈詩云須信地靈資物化金膏隨處發精光余謂馬血之為飛燐人血之為鬼火此所謂昭明煮蒿悽愴也若廬山之野燈杭州之湖光蛾眉之佛光金堂之聖光江賦之陰火皆山川寶玉之氣衡山文殊峰唐宣宗太子慕道自霍之衡西望峰上見金色瑞相彌陀僧以為文殊出現故名太室玉鏡峰峰上常現瑞光晶彩如玉少室玉華峰山有寶玉氣遠望光彩轟轟張道陵得道於此潁州大龍山層峰疊嶂遇夜則紅光燭天秦淮口張麗華墓時有白光如練掬之作水銀頃即流散上高靈峰山風雨之夜時有赤光如斗名勝志黃岩雞籠山每星月晦冥有光燭天一日晶彩晝見或視之金玉彌山谷往取即滅胥此類也湖廣華容方臺山上產雲母石土人候雲氣所出掘之往往有長數尺者可製為屏莆田縣壺山上有辟支岩石間小竅迸出異香青泥坊在資縣長弘死三年而血化為碧今數里之內土色尚青

### 海市

閒覽載登州海中遇晴霽忽見臺觀城市人物往還者謂之海市東坡嘗一見之名勝志浙江象山縣大韭山在東南大海中遍地皆雲嵐天霽則蜃氣煥發樓臺殿閣龍鳳之形變態萬狀廣東新安縣西北合蘭洲春晴蜃氣結為樓臺城堞人物車馬



往來之狀

陳埏詩云瀾漫合蘭海南與溟滄通蜃氣起蛟室珠光出龍宮樓臺紛隱現墟市現空濛設將化城北還與幻境同天風忽吹蕩人物歸虛空

漳州府志載萬歷壬子四月浴佛日海中東鎮嶼前吐蜃氣成重樓臺閣狀甚巍我忽變為層臺城堞有人物遊宴於其上條忽復變為舩皇又變為獅象終而變為黃蓋若神人羽客出沒自寅至未始散而登萊之市為著獐園載副將謝廷芝建牙東省親見登萊海市初堂屋三間甚軒敞眾愚掩映中懸大珠簾見一曲几上安鵲尾香爐篆煙裊裊有卅角童子擁篲而至次第掃地畢乃取香漆入爐中歷歷分明移時乃滅謝在杭曰海市海氣所結非蜃氣家居海濱每秋月極明水天一色海中蚌蛤車螯之屬大者如斗吐珠與月光相射忽吐成城市樓閣截流而渡至杳不可見方沒人亦習以為常不知異也

吳興慎蒙觀海市記云丁亥孟夏二十二日余至蓬萊越二日登蓬萊閣召守閣者問之曰海市春夏見秋冬少見大霧之後天晴見天陰不見微風與無風不見大風不見風微急其見也速而巧風微緩其見也遲而拙余謂市既有時難以必見將行矣俄從者報曰山擡頭張口海將市矣翹首視之牽牛島見樓臺前低後昂大竹山見一大城其色則青白相間雄偉壯麗殆若玉都顧盼之間驚愕交并又

自以為眩而妄也。憑欄視之，倏然俱滅。俄有報者曰：珠璣山更見一城，其色則青黃相間，其形則或高或下，其城上之諸樓則隱顯無常，其樓角之大樓則離合不定，回視牽牛島二峰，或開而離，或合而聯，或大者自然而小，或尖者忽然而平。俄又有報者曰：半洋離咫尺，忽復合為一大樓，中留一門，復塞其東，則起三圓亭，皆重簷三臺，透徹玲瓏。其西則起假山者三，皆孤峰特聳，突兀嵯峨。其大樓之東則復起一小樓，與大樓相等，其大者默移於前，小者默移於後，既而升者沉，起者伏，遂隱而不見。俄而一樓獨大，巍然突起，三閣微小，列於左，三屋則又小，乃雜處於右，而前後左右各起數樓，或淡而似遠，或濃而似近，頃之忽大樓聳起於中，極其莊嚴，三方樓端拱於左，層樓臺起樓之簾間窗牖閃爍，種種具在三圍，松植立於右，其葆蓋亭亭，形容特異，雖於古今之名畫，秦漢離宮不足擬其天成之妙也。未幾三松之頂三樓之表，微有雲氣，初如一線，與大殿相連，俄而小者漸大，狹者漸闊，恍然一巨橋，下視三松三樓，皆變為大橋，中涵數洞，如蒼龍跨海，忽變為一大臺，又分而為二，破而為三，其中則變為一大宮，如宗廟正室，左右分二小宮，如明堂之傍，个已而繚以垣墻，籠以草樹，環以房屋，又合為一，若富家大室，極為壯觀。

已而垣墻則或高或下。林樹則或聚或分。房屋則或疎或密。或方起一樓未成而復隱。復起一閣。既顯而又微。日欲入暮。觀者已疲。乃命輿而歸。

### 放光谷

大理府白雲峰下曰芒湧溪深處為放光谷。四圍皆有佛光。或長或圓。五色互異。是藥師佛道場。又名悉達場。明李逸民遊雞足山記。由傳衣寺歷萬松菴華嚴龍祥放光寺。忽兜羅綿雲緬出一白宛如玉。地大圓光倚立玉地之上。外暈七重。每重五色環中虛明如鏡。觀者自見自身現鏡中。毛髮可數。舉手動足影亦如之。僧呼為攝身光。有頃光沒。風起壑中。雲氣散盡。復出一光如大虹霓。然只半缺。而佛光則圓瑩如水晶映物。有時見平雲上現二銀船。檣舵皆具。往來江村沙浦中。如人搏之。但不見人。聞書晉江橫山南行有畫船浦。浦沙地也。而有船痕。帆檣皆具。雖夜掘土掃除之。明日沙平。其跡復見。其曰南風則帆檣向南。其曰北風則帆檣向北。蓋一異也。暖妹由筆。吳江趙寬會元子禧為眉州州判。言峨眉山放光亦有時。曾見七圓光五大二小。大者寺僧一一指言文殊辟支彌勒等佛。二小者善財童子也。眾人看者各見自己身形在光中。一二日前有鳥連叫。施主施主數聲。後云佛現了。其鳥似畫眉而小。

蜀都雜抄峨眉古今勝境山中光怪若虹霓然每見於雲月映射之際所謂佛光者是已佛光未發有鳥先飛過若言施主發心菩薩來到光既散復來作聲施主布施菩薩去了有白石如泰山之狼牙上饒之水晶置之日隙則五色光日中則無僧曰佛現者此也夜半有光熠熠來自天際謂之聖燈夾江縣伏龜山有仙掌洞其山雲常作五色黃色居其中亦佛光之類耶